


ANG GAMHANANG DIOS NADAYAG SA ATUBANGAN KANATO

 Aniyay pipila ka mga Kasulatan nga gisulat, nga gikan niini akong buot isulti kaninyo, ug ako gasalig nga ang Dios magpanalangin sa atong mahuyang nga pagpaningkamot.

² Karon, daghang katawhan ang nahibulong nganong kita sahi kaayo ug masaba kaayo. Kamo nasayud, kini maoy usa ka daw pinasahi nga matang sa-sa usa ka kumbensiyon kay sa unsay kanunay'ng makita sa mga-mga katawhan. Ug, sa kasagaran, ang tanan naandam ug napahimutang na. Apan sa diha kita motabong sa kining mga kumbensiyon, diin nahimong akong kahigayonan karon sulod na sa pipila ka mga katuigan sukad sa ilang unang pagsugod, ug igakalisod nato ang pagkasayud kung unsay atong buhaton. Kita moduol lamang ug itugyan ang atong kaugalingon. Kana mao lamang ang butang nga atong nahibaloan nga buhaton. Ug ang Dios mao nay magabuhat sa uban pa niini. Busa kana nagahimo kanato sa hilabihan nga linaing-panglihok nga katawhan.

³ Sa miaging adlaw, dihay usa ka tawong miingon, “Nahibalo ka, kamong mga tawhana hilabihan ang-ang kasalikwaut.”

Ingon ko, “Bueno, sa akong-akong pagtoo mao na kami.”

⁴ Ug akong nahinumduman ang usa sa mga kumbensiyon. Si Igsoong Troy nagaistorya kanako usa niana ka higayon bahin sa usa ka gamayon nga Aleman nga ingon iyang nakadawat ang Bautismo sa Espiritu Santo. Ug sa pagkasunod nga adlaw, sa gam'anan diin didto siya mamuo, iyang ibayaw ang iyang mga kamot ug magdayeg sa Ginoo, ug mosulti'g laing dila ug nagapadayon lamang, mangil-ad. Ug sa katapusan, ang agalon nagabot ug miingon, “Heini, unsa may nahitabo kanimo?”

⁵ Siya mitubag, “Oh, naluwas na ako.” Siya miingon, “Ang akong kasingkasing nagaawas gayud sa kalipay.”

⁶ Siya miingon, “Bueno, didto ka siguro nakigkauban nianang panon sa mga buang-buang nga atua didto.”

⁷ Siya mitubag, “Oo. Himaya sa Dios!” Miingon, “Salamat sa Ginoo tungod sa mga buang-buang.” Miingon siya-miingon siya, “Kuhaon mo ang awto, pag-adto.” Miingon, “Tangtangan mo ang tanang mga tornilyo gikan niini, ikaw wala na kondili ang

usa na lamang ka ‘guba.’” Ug kana mao lamang . . .kini lamang mao’y husto, nahibalo na kamo.

⁸ Usa ka adlaw, sa California, nagalakaw ako sa kadalanan sa Los Angeles, ug akong nakita ang usa ka tawo nga anaay sinulat diha sa iyang dughan, ug *dinhi*. Ug giingon kini, “Ako usa ka buang kang Cristo.” Ug ang matag tawo nagatan-aw kaniya. Ug akong nahimatikdan sila nga nagaliso ug nagatan-aw, human siya milabay. Ug nahunahuna ko nga ako moawat sa kadaghanan kanila. Ug diha sa . . .sa iyang likud, siya miingon, “Kang kinsa man nga buang kamo?” Oo. Sa akong pagtoo kitang tanan managlahi, ang usa ngadto sa usa, nahibalo na kamo.

⁹ Apan, inyong nahibaw-an, ang kalibutan anaa na sa naandang paagi, hangtud nga ang usa ka butang nga lahi mamahimo niining lahi kaayo, hangtud nga ang katawhan magdahum nga kini pipila nga may butang nga sayup. Ug usahay ang Dios magabuhat ug butang nga talagsaon kaayo, aron nga pabalikon ang katawhan pag-usab sa Biblia.

¹⁰ Akong mapamalandong nga si Noe ingon nga daw usa ka-usa ka buang-buang, alang niadtong panahon sa siyentipikanhon nga iyang gipuy-an, tungod kay ilang mapamatud-an nga walay tubig sa kawanangan. Apan ang Dios miingon nga anaay daghan didto. Busa, si Noe, nagawali ug nagatoo niana, siya nahimong usa ka buang-buang.

¹¹ Ug akong mapamalandong nga samtang si Moises milugsong ngadto sa Egipto, siya ingon nga daw usa ka-usa ka buang-buang, alang kang Faraon. Apan hinumdumi, si Faraon usa ka buang-buang, alang kaniya, usab. Busa sila . . .Atong nasabot kana.

¹² Bisan pa gani si Jesus giisip nga usa ka erehes. Kana’y tinuod. Si Martin Luther usa ka buang-buang, alang sa iglesiang Katoliko. Ug si John Wesley usa ka buang, alang sa mga Anglicanhon. Gani, nahibaloan na ninyo, kini-kini panahon na alang sa laing buang-buang. Wala ba ninyo mapamalandong? [Ang kongregasyon nagaingon, “Amen.”—Ed.] Apan, sa dili pa mahimo ang usa ka tornilyo, nahibalo na kamo, kinahanglan nga anaay una usa ka tarugo, una, sa paghaum niini.

¹³ Busa, inyong nahibaw-an, si Noe, ingon usa ka tornilyo, siya . . .nahimong tornilyo, kini nagabira sa tarugo, nagabira sa usa ka butang nga mahiusa, ug nagapugong sa usa ka butang nga mahiusa. Busa, si Noe nahimo ang pagbira sa tanan nga mitoo, ngadto sa arka, pagpahigawas sa paghukom, pinaagi sa pagkahimong usa ka buang-buang.

¹⁴ Atong makita, nga, gibira ni Moises ang Iglesia paggawas sa Egipto, pinaagi sa pagkahimong usa ka buang-buang. Husto kana.

¹⁵ Sa akong pagtoo kita nagkinahanglan sa usa ka buang-buang karon, aron mobira sa Pangasaw-onon paggawas sa

simbahan. Atong gikinahanglan ang usa ka butang karon, ang lain pang usa, busa kita sahi gayud nga matang sa katawhan. Ug namalandong ako, niining gabhiona, kung itugot sa Ginoo, akong sulayan ang pagbasa sa pipila ka mga Kasulatan mahitungod niini, ug igsulti kaninyo sulod lamang sa pipila ka gutlo, ug maninguha sa pagpakita kaninyo kung nganong ingon man kita kalahi nga katawhan.

¹⁶ Atong ablihan ang Kasulatan karon, sa mga taga Filipos sa ika-2 nga kapitulo, 1-8, ug sa ikaduha mga Taga Corinto 3:6. Ug atong basahon, ingon nga atong gitoohan ang Pulong sa Dios.

¹⁷ Ug karon, sa dili pa nato basahon, atong iduko ang atong mga ulo alang sa pag-ampo.

¹⁸ Maloloy-on Langitnong Amahan, kami maoy usa ka katawhan nga labing bulahan gayud, niining gabhiona, nga nahimuyo niining panahona, ug makita ang mga butang nga among nakita nga nagapadayon, ug sa pagkasayud nga ang takna haduol na, sa diha si Jesus moabot na alang sa Iyang Iglesia. Oh, kana nagapahalipay sa among mga kasingkasing, Ginoo! Ug samtang among pakli-on ang mga panid, niining kagabhion, kami nangamuyo nga Imong ihatag kanamo ang unod niining teksto. Ug hinaut nga ipadayag sa Espiritu Santo sa among kasingkasing ang mga butang nga makapaayo ug makapahimuot sa Dios. Tungod kay among gipangayo kini sa Ngalan ni Jesus' Amen.

¹⁹ Nahibalo kamo, akong gihunahuna nga hangyoon ko kamo sa pagbuhat sa usa ka butang. Ako-ako sa kasagaran nagahangyo sa talagsaong mga butang, ug ako nanghinaut nga ako dili nagahangyo sa bisan unsang butang nga talagsaon kaayo.

Apan kung manumpa kita sa atong bandira, kitang tanan manindog. Ug-ug ang bandira molabay, kitang tanan manindog; nga diin, atong dapat buhaton. Ug kita motindog, aron motahud. Manindog kita samtang atong basahon ang Pulong, kung buut n'yo, sa Ikaduhang mga Taga Corinto 3:6.

Nga...mao ang naghimo kanamong takus sa pagkaministro sa bag-ong pakigsaad; dili sa sinulat nga kasugoan, kondili diha sa espiritu: kay ang sinulat nga kasugoan magapatay, apan ang espiritu magahatag ug kinabuhi.

Ug kon-ug kon ang pag-alagad nga makamatay, nga sinulat sa mga titik ug gikulit diha sa bato, miabut nga inubanan sa maong himaya, nga tungod niana ang mga Israelinhon dili arang makasud-ong sa nawong ni Moises tungod sa kasanag niini; bisan tuod kini nag-anam ra ug kahanap:

Dili ba molabaw pa hinoon kamasanagon ang pag-alagad sa espiritu?

Kay kon masanagon man gani ang pag-alagad sa hukom sa silot, labaw pa gayud kaayo niini ang pagkamasanagon sa pag-alagad sa pagkamatarung.

Sa pagkatinuod niining pagkabutanga ang kaniadto may kasanag nawad-an na karon sa pagkamasanagon, tungod niadtong kasanag nga milabaw pa niini.

Kay kon masanagon man gani kadtong pag-alagad nga nagkahanap ra, nan...o labi pang masanagon kadtong pag-alagad nga magapadayon.

Busa tungod kay kami nakabaton man sa maong paglaum, kami mga masaligon.

Dili ingon kang Moises, nga nagtaptap sa iyang nawong, aron ang mga Israelinhon dili makakita sa nagkatapus sa nagkahanap nga kasanag niini:

Apan ang ilang mga salabutan nangagahi: kay bisan pa hangtud niining mga adlawa karon sa magabasa sila sa daan nga pakigsaad ang maong taptap magapabilin gihapon; sanglit kini makuha man lamang pinaagi kang Cristo.

Oo hangtud niining mga adlawa karon, sa magabasa sila kang Moises, anaay taptap nga magalimis sa ilang mga hunahuna.

Apan sa diha nga ang tawo makadangup na sa Ginoo, ang maong taptap pagakuhaon. Dili...

Karon ang Ginoo mao ang Espiritu: ug diin gani ang Espiritu sa Ginoo, anaa usab diha ang kagawasan.

Ug kitang tanan, uban sa nawong nga dili tinaptapan sa magapasumbalik kita sa kasanag sa Ginoo, ginausab kita ngadto sa pagkasama sa iyang panagway gikan sa kasanag ngadto sa kasanag, maingon nga kini nagagikan man sa Ginoo nga mao ang Espiritu.

²⁰ Ug diha sa mga taga Filipos 2, atong mabasa kini, sugod sa ika-1, ug basahon hangtud sa ika-8 nga bersiculo.

Busa-kon aduna may pagkadinasiy diha kang Cristo, kon aduna may pagkadinasiy diha sa gugma,...kon aduna may pakig-ambitay diha sa Espiritu, kon aduna may pagbinatiy sa kalomo sa kaluoy,

Hingpita ninyo ang akong kalipay, pinaagi sa inyong paggawi nga magkasinabtanay, nga managbaton sa samang pagbati sa paghigugma, sa samang panghunahuna, ug katuyoan.

Ayaw na kamo pagbuhat ug bisan unsa sa tuyo sa pagbahinbahin o sa kawang pagpagarbo sa kauglaingon; hinonoa uban sa pagpaubos isipa ang

uban *ingon nga labi pang maayo kay sa inyong kaugalingon.*

Nga ang matag usa kaninyo magatagad dili lamang sa iyang kaugalingong mga kahimtang, kondili sa . . . mga kahimtang sa uban usab.

Batoni diha kaninyo kining hunahunaa, nga mabatonan ninyo diha kang Cristo Jesus:

Nga, bisan tuod siya naglungtad diha sa kinaiya sa Dios, ingon nga usa ka butang nga pagailogan:

Hinonoa gihaw-asan niya ang iyang kaugalingon, diha sa iyang pagsagop sa kinaiya sa ulipon, diha sa iyang pagkahisama sa mga tawo:

Ug sa nakita siya diha sa dagway nga tawhanon, siya nagpaubos sa iyang kaugalingon, ug nahimong masinugtanon hangtud sa kamatayon, diha sa krus.

21 Magaampo kita.

22 Langitnong Amahan, kining halangdong Pulong nga among gibasa, niining gabhiona, gikan sa Imong Balaang Kasulatan, himoa Kini nga labing matuod sa among mga kasingkasing, nga kami mogula gikan dinhi mahisama niadtong nagagikan sa Emmaus, nga nagaingon, “Dili ba ang atong mga kasingkasing nagdilaab man sa sulod nato samtang nagsulti Siya kanato subay sa dalan?” Tungud kay kini among gipangayo sa Ngalan ni Jesus’ Amen.

Mahimo na kamo sa pagpanglingkud.

23 Karon, usa kini ka talagsaon kaayong teksto, apan sa akong pagtoo mao kini ang labing haum alang niining maong kahigayunan. Buot ko hisgotan ang sa pagtulon-an nga: *Ang Gamhanang Dios Nadayag Sa Atubangan Kanato.*

24 Karon, sukad nga anaay tawo, aduna nay kagutom sa kasingkasing sa tawo, sa pagpangita: kung diin siya nagagikan; ug unsay iyang katuyoan nga ania siya dinhi; ug hain siya padulong. Adunay Usa lamang nga makahimo pagtubag niana, mao kana ang Bugtong nga maoy nagdala kaniya dinhi. Ug ang tawo sa kanunay naninguha nga makita ang Dios.

25 Kaniadto sa Daang Tugon, atong mahibaloan nga ang Dios nagtabon sa Iyang Kaugalingon gikan sa mga dili magtotoo. Ang Dios anaay talagsaon kaayong paagi sa pagtagad sa katawhan. Siya nagatago sa Iyang Kaugalingon sa dili magtotoo ug nagapadayag sa Iyang kaugalingon ngadto sa magtotoo. Ang Dios nagabuhat niana. Si Jesus mipasalamat sa Amahan, nga, “Iyang gililong kining mga butanga sa mga makinaadmanon ug sa mga masinabuton, ug gipadayag kini ngadto sa mga gagmayng bata ingon sa gusto makakat-on.” Busa, atong makita nga ang Dios wala gayo’y kausaban, sa Iyang kinaiyahan, ug Siya sa kanunay nagabuhat sa Iyang bulohaton nga mao ra.

Atong makita, sa Malaquias 3, nga Siya nag-ingon, “Ako mao ang Dios, ug Ako walay pagkabalhin.” Busa, Siya nagabuhat sa mao rang pamaagi, sa tanang panahon.

²⁶ Karon atong hisgutan ang usa sa mga labing karaang mga basahon sa Biblia. Sa dihang si Job, usa sa mga labing matarung nga tawo sa iyang adlaw, usa ka tawong hingpit diha sa kasugoan sa Dios, usa ka ulipon, halangdon, tinahud nga ulipon, hangtud ngani ang Dios miingon, “Kay walay sama kaniya, diha sa yuta.” Apan . . . iyang tinguha, usa ka higayon, ang pagtan-aw sa Dios. Siya nahibalo nga adunay usa ka Dios, ug iyang gibati nga gusto siya motan-aw Kaniya, o, kondili, moadto sa Iyang balay ug motuktok sa pultahan, ug moingon, “Ako buut makigsulti Kanimo.” Molvingkud, makigsulti uban Kaniya, sama sa atong ginahimo sa usa’g-usa.

²⁷ Kita adunay pagsinabtanay. Maoy ngano nga ania kita niining mga kumbensiyon, diin kita nagkahiusa ug-ug gapadayag sa atong mga panghunahuna. Ug-ug kita nagkasinabtanay, pag-ayo, sa dihang atong hisgutan ang mga butang tali sa usa’g usa. Ug ang mga ministro mihimo niana. Ang mga tawo sa tanang matang sa pagkinabuhi mihimo niini, ang paghisgot sa mga butang.

²⁸ Ug, si Job, ang Dios matuod gayod alang kaniya, buot niyang susihon kon dili na ba siya moadto, motuktok sa Iyang pultahan, ug-ug mangitag usa-usa ka pakighinabi uban Kaniya.

²⁹ Apan atong nahibaloan nga ang Dios nakigsulti gayod kaniya, apan Siya nagtaptap. Siya nagtaptap diha sa dagway sa usa ka alimpulos. Ug Iyang gisultihan si Job sa pagbakus sa iyang hawak; Siya makigsulti kaniya, sama sa usa ka tawo. Ug Siya nanaug pinaagi sa usa ka alimpulos ug-ug misulti ngadto kang Job. Ug Siya nagpaila kang Job pinaagi sa alimpulos, bisan pa siya wala gayod makakita Kaniya sa husto. Siya igo lamang makadungog sa hangin nga nagahuyop ug nagakatuyok, diha sa kakahoyan. Ug ang Tingog migula gikan sa alimpulos, apan ang Dios nagtaptap diha sa alimpulos.

³⁰ Atong mahibaloan, didto sa Africa, sa Habagatang Africa, ilang gigamit ang pulong nga *amoyah*, nga nagkahulogan, “usa ka dili makitang gahum.”

³¹ Ug kining dili makitang Gahum, diha sa alimpulos, anaay usa ka madungog nga Tingog. Misulti Kini kang Job, labot pa wala gayud niya makita ang Iyang dagway. Kondili nagtaptap Siya, ngadto kaniya, pinaagi sa alimpulos.

³² Atong makita ang usa sa mga bantugan nga mga propeta sa Biblia, si Moises, sa Daang Tugon, usa sa pinili sa Dios, linain, ginahin nga ulipon, siya usab nagtinguha nga makita Siya. Haduol siya kaayo Kaniya, ug nakakita sa daghan kaayong mga butang sa Iyang dakung kahibulongang kamot nga nag-una kaniya ug nagabuhat sa mga butang nga ang Dios lamang maoy

makabuhat. Siya nangandoy nga makita Siya usa ka adlaw, ug ang Dios nagsugo kaniya, nga “Lakaw, tindog ibabaw sa bato.”

³³ Ug samtang nagatindog sa bato, si Moises nakakita Kaniya nga milabay. Iyang nakit-an ang likod Niya. Ug miingon siya, “Kini tan-awon sama sa usa ka tawo, usa ka likod sa tawo.” Bisan pa, wala niya makita ang Dios. Iya lamang nakita ang taptap sa Dios.

³⁴ Ang Biblia nag-ingon, “Wala pa gayu’y tawo nga nakakita sa Dios sa bisan unsang panahon, apan ang bugtong Anak sa Amahan maoy nagpaila Kaniya.” Busa, si Moises nakakita Kaniya, nga nagtaptap, sama sa usa ka tawo. Atong makita nga si Jehova sa Daang Tugon mao ra si Jesus sa Bag-ong Tugon.

³⁵ Ug-ug si Dr. Scofield dinhi, atong makita nga, sa iyang pinulongan, nagakausab gikan sa “dagway.” Atong makita ang pulong nga *en morphe*, sa Griego, nga nagakahulogan nga “ang dili makita nahimong makita na.” Usa ka Butang nga dili mahimong. . . Nahibalo kita nga anaa kini diha. Kini mamahimo. . . dili makita, apan bisan pa niana kita nasayod nga kini anaa diha. Ug sa dihang Iyang giusab ang Iyang dagway, sa *en morphe*, nga nagkahulogan nga Siya nag-usab gikan sa pagka-supernatural ngadto sa natural.

³⁶ Ug Siya nag-usab lamang sa Iyang maskara, sa laing bahin. Kini sama sa usa ka drama. Siya nagadumala. Ug diha sa Griego, kung ilang ilisan ang ilang maskara, tingali’g ang usa ka dula, usa ka magdudula mahimong modula sa nagkalainlaing mga bahin.

³⁷ Ug ang akong anak nga dalaga, ania dinhi, anaay ila bag-ohay pa sa hataas nga tulonghaan, usa-usa ka drama. Ug ang usa ka batan-ong lalaki sa akong nahibaloan, midula sa mga upat ka mga bahin, apan siya magaadto sa luyo sa entablado ug mag-ilis sa iyang-iyang maskara, aron sa paghigawas, sa pagsundog sa lain na usab.

³⁸ Karon, kung inyong hisgutan ang mga propesiya sa Daang Tugon mahitungod sa mamahimong unsa ang Mesiyas, inyo mahimong itandi kini sa kinabuhi ni Jesus, ug inyong masabtan kini sa husto kung kinsa gayud si Jesus. Dili lamang kay usa Siya ka tawong kasagaran. Siya Dios, *en morphe*. Siya nag-usab gikan-gikan sa supernatural ngadto sa natural nga dagway sa usa ka Tawo. Apan, Siya Dios, nga nadayag diha sa unod, nagtabil sa pagkatawhanon, unodnon nga tabil.

Ug inyong bantayan ang Daang Tugon.

³⁹ Ako-ako-ako nahibalo nga nakigsulti ako ngadto sa usa ka nagakasagol nga tigpaminaw, niining gabhiona, sa nagkalainlaing dapit sa kalibutan. Ug ania kita dinhi aron pagsusi. Kung unsay atong-unsay atong ginabuhat? Unsay-unsay kita? Hain kita nagapadulong? Unsay nagakahitabo? Unsay kahulogan niining tanan?

40 Ug karon atong makita, dinhi niini, nga, pipila ka Judiyong lalaki ug babaye, ug ang mga rabi sa-sa-templo, sa mga adlaw nga nangagi. Kung sila nagbantay pa sa Biblia, ang mga propesiya, imbis sa mga tradisyon, ila unta naila kung kinsa si Jesus. Dili gayud unta nila gitawag Siya nga Belzebug. Dili gayud unta nila Siya nalansang. Apan, kining tanan kinahanglan nga lihokon. Kana kay bahin sa drama. Ug sila gibutaan, niining butanga.

41 Kini nahisama sa kadaghanan kaninyong mga lalaki, mga babaye, dinhi karong gabhiona, tingali'g akong katalirongan o magulang ug diyutay. Inyong nahinumduman, dinhi sa America, sa milabay'ng mga katuigan, sa wala pa...ang mga Intsek... Akong igsoong lalaki, nga bag-ohay pa gipaila, nga misantop sa akong hunahuna sa dihang nakigsulti ako kaniya. Kon unsa ilang naandan sa...Sila dili makasulti'g Iningles, ug sila-sila nagdumala sa labhanan. Ug ikaw moadto sa iyang labhanan, aron palabhan ang imong labhonon. Ang-ang Intsik nga labandero mokuha'g usa ka tagan, ug gision kini sa usa ka paagi. Imong kuptan ang usa ka bahin sa tagan; iya kuhaon ang laing bahin. Apan kung ikaw mobalik aron pagkuha sa imong mga butang, kadtong duha ka bahin nga papel kinahanglan nga magakatakdo. Ug kon sila dili man magkatakdo sa husto... ikaw dili makahimo sa pagsundog kini sa bisan unsang paagi, 'kay anaa kaniya ang usa ug anaa kanimo ang pikas. Ug kon masundog man kini...Sa ingon niana may katungod ka pag-angkon kung unsay mga imo. Ug unya makuha mo ang unsay imo, kung imong gikuptan ang laing bahin sa kasabotan.

42 Maingon man usab kini, niining gabhiona, kung nakuptan nato sa laing bahin sa kontrata. Sa diha, nga gibahin sa Dios ang Iyang Anak, sa Calbaryo, nga mipasaka sa lawas alang sa usa ka Halad, ug mipadala sa Espiritu nganhi kanato, nga kanhi nagpuyo diha sa usa ka Tawo, si Jesus. Kanang mao ra nga Dios ania sa tabil niining gabhiona, diha sa dagway sa Espiritu Santo. Kanang duha ka mga bahin kinahanglan nga naghiusa, unya kamo kabahin sa kontrata. Ang Dios nagbuhat niini, aron masabot pag-ayo sa tawo, sa diha Iyang gibuhat ang Iyang Kaugalingon nga Tawo.

43 Ako nagabasa sa usa ka sugilanon, sa pipila ka mga katuigang milabay. Ug sa niining sugilanon, kini naghigot sa usa ka bantugan, halangdon nga hari...Ako nalimtan ang iyang ngalan, karon lang. Ako wala nagahunahuna sa mahitungod sa paghisgot sa maong sugilanon. Kini, tingali'g usa ka tinumotumo, apan kini modala kanato ngadto sa tumong nga nagahatag kanato sa paghulagway kung unsay buot natong isulti. Kining hari, siya kadto usa ka halangdong hari, ug usa ka dakung mahigugmaon sa iyang mga katawhan, hangtud, usa niana ka adlaw, sa atubangan sa iyang-iyang magbalantay ug sa

iyang kamahalan, siya miingon, “Niining adlaw, makita ninyo ako sa inyong katapusang higayon, sa daghang mga katuigan.”

⁴⁴ Ug ang iyang magbalantay ug ang iyang mga halangdon miingon kaniya, “Maayong hari, nganong nakapamulong ka niana? Moadto ka ba sa usa-usa ka langyaw ng nasud, bisan diin, ug mahimong usa ka langyaw?”

⁴⁵ Siya mitubag, “Dili. Ako magapabilin mismo dinhi. Bueno,” nagkanayon, “Mogawas ako sa taliwala sa akong ginsakupan. Magpakamag-uuma ako. Mamutol ako ug kahoy kauban sa mga mamumughag kahoy. Moadto ako aron-aron pagbugwal sa yuta kauban sa mag-uuma. Akong pamul-ongan ang mga kahoy kauban niadtong nanagpamul-ong sa mga kahoy. Magpakasama ako nga usa kanila, aron mahibaloan pag-ayo kung unsay ilang ginabuhay. Ug akong gihigugma sila. Ug buot ko nga labi pang mahimong masinati sila, sa linawas. Dili nila ako mahibaw-an. Apan, bisan pa niana, buot kong masinati sila, sa nianang paagi.”

⁴⁶ Ug sa pagkasunod buntag, sa dihang ang iyang mga tinugyanan, tanan sa iyang mga katawhan nakakita kaniya, o kadtong mga atua sa palacio, nga gipuwat ang iyang corona ug gibutang kini sa ibabaw sa lingkuranan, sa trono; ug gihukas ang iyang kupo, ug misul-ob sa bisti sa mag-uuma, milakaw kauban sa yanong katawhan.

Karon, nianang gamay’ng sugilanon, atong makita unya mahitungod sa Dios.

⁴⁷ Sila miingon ngadto sa hari, nagkanayon, “Hari, gikinahanglan ka namo. Gihigugma ka namo. Amo-among gikinahanglan ikaw sa pagpabilin nga hari.” Apan buot siya nga mahimong sama kanila, aron masinati sila pag-ayo, nga ilang mahimong masinati siya pag-ayo, sa tinud-anay kung kinsa siya. Kini madayag kanila kung kinsa gayud siya.

⁴⁸ Ug mao kana kung unsa ang gibuhay sa Dios. Iyang-Iyang giusab ang Iyang kaugalingon, gikan sa pagka-Jehova nga Dios, aron mahisama kanato, aron mamahimo Siyang mag-antus, mamahimo Siyang makatitaw sa kamatayon, Iyang mamahimong mahibaloan kung unsay ikot sa kamatayon, ug dawaton ang bayad sa kamatayon diha sa Iyang kaugalingon. Iyang gipadaplin ang Iyang-Iyang corona ug ang Iyang kupo, ug nahimong usa kanato. Siya’y naghugas sa tiil uban sa-uban sa mapainubsanon. Siya miipon sa mga tolda, kauban sa mga kabus. Siya natulog sa-sa kalasangan ug sa kadalanan, kauban niadtong mga walay kahigayonan. Siya nahimong usa kanato, aron mahimong masabtan kita pag-ayo, ug nga masabtan nato Siya pag-ayo.

⁴⁹ Karon, akong gihunahuna, sa niana, atong makita, ang pagbalhin, sa Iyang kaugalingon, kung unsa Iyang gihimo. Kon inyong hingmatikdan, Siya mianhi sa ngalan sa tulo ka pagka-

anak. Siya mianhi sa Ngalan sa Anak sa tawo, ug sa anak sa Dios, ug sa Anak ni David. Siya mianhi ingon nga Anak sa tawo.

⁵⁰ Karon, diha sa Ezequiel 2:3, si Jehova, Siya gayud, nagtawag kang Ezequiel, ang propeta, “ang anak sa tawo.”

⁵¹ *Anak sa tawo* nagkahulogan nga “usa ka propeta.” Siya kinahanglan nga motungha sa nianang paagi, aron pagtuman sa Deuteronomio 18:15, nga giingon ni Moises, “Ang Ginoo nga inyong Dios magapatindog sa inyong taliwala ug usa ka Propeta nga sama kanako.” Siya wala gayud nagtawag sa Iyang Kaugalingon nga Anak sa Dios. Iyang gipasabot sa Iyang kaugalingon nga, “ang Anak sa tawo,” tungod kay Siya kinahanglan moabot sumala sa Kasulatan. Kita n’yo? Kinahanglan gayud nga mabuhay Niya kadtong duha ka bahin sa ginisi nga papel, ang propesiya sa Daang Tugon ug sa Iyang kaugalingong gawi, nga magkatukma gayud. Busa, Siya mianhi, nga Anak sa tawo, miabot sa nianang porma.

⁵² Ug unya atong makita, human sa Iyang pagkamatay, lubong, ug pagkabanhaw, Siya miabot sa adlaw sa Pentecostes, ingon nga Anak sa Dios; Dios, ang Espiritu, diha sa porma, sa Espiritu Santo. Unsa may Iyang ginabuhay? Iya ginausab ang Iyang kaugalingon, nagahimo sa Iyang kaugalingon nga maila sa Iyang katawhan diha sa nagkalainlaing porma. Sama, sa Espiritu Santo, nga mao ang Dios, Siya mianhi aron sa pagtagad pinaagi sa mga kapanahonan sa iglesia, ingon nga Anak sa Dios, ang Espiritu Santo.

⁵³ Apan, sa Milenyum, Siya magaanhi ingon nga Anak ni David, aron molingkod sa trono ni David, nga Hari. Iyang pagadawaton ang trono ni David. Siya anaa sa Trono sa Amahan karon. Ug unya Siya nag-ingon, “Siya nga nagmadaugon molingkod tupad Kanako sa Akong trono, maingon nga nagmadaugon Ako ug milingkod sa trono sa Akong Amahan.” Busa, Siya, sa Milenyum, Siya mamahimong Anak ni David. Unsa man kini? Mao ra nga Dios, sa tanang panahon, nga nagausab lamang sa Iyang-Iyang maskara.

Ako, sa akong asawa, usa ka bana.

⁵⁴ Nahimatikdan ba ninyo? Ang Sirofinicea nga babaye nag-ingon, “Anak ni David, kaloy-i ako.” Siya, wala gani makasamok Kaniya, man lang. Walay iyang katungod sa pagtawag Kaniya niana. Siya walay katungod Kaniya ingon nga Anak ni David. Siya-Siya mao ang Anak ni David, ngadto sa mga Judio. Ug karon Siya mianhi. . . . Apan sa dihang gitawag niya Siya, “Ginoo,” Siya ang iyang Ginoo, dihadhiha iyang naangkon kung unsa ang iyang gipangayo.

Karon, maingon sa, Iyang ginausab lamang ang Iyang Kaugalingon.

⁵⁵ Karon, sa akong panimalay, ako tulo ka managkalahing tawo. Sa akong balay, ang akong asawa may katungod pagtawag

kanako nga bana. Ang akong anak nga dalaga nga anaa diha, siya walay katungod sa pagtawag kanako nga bana; ako mao iyang amahan. Ug ang akong gamay'ng apo diha, ako apohan ngadto kaniya, busa siya walay katungod sa pagtawag kanako nga amahan. Ako dili iyang amahan. Ang akong anak nga lalaki mao iyang amahan. Ako mao iyang apohan. Apan ako sa gihapon mao ra nga two.

⁵⁶ Ug ang Dios, unsay Iyang ginabuhat, Iya lamang ginausab ang Iyang Kaugalingon, aron mahisama nianang maong kaliwatan, aron ipaila ang Iyang Kaugalingon nianang katawhan. Ug mao kana kon ngano nga ania kita dinhi aron sa pagsusi, niining gabhiona. Sa unsang paagiha man ang Dios nagpaila sa Iyang kaugalingon ngadto niining katawhan ug niining panahona? Siya nagausab sa Iyang maskara, Siya nagausab sa Iyang linihokan, apan wala Niya balhina ang Iyang pamaagi. Siya wala nagabalhin sa Iyang-Iyang kinaiyahan. Siya nagausab lamang sa Iyang maskara, gikan sa usa ngadto sa lain. Iyang ginabuhat kini, aron ipadayag ang Iyang kaugalingon nga labi pang tataw sa katawhan, aron sila mahimong makaila kung kinsa Siya, ug unsa Siya.

⁵⁷ Diha sa mga Hebreohanon 1, atong mabasa, “Ang Dios, sa karaang kapanahonan ug sa nagkalainlaing paagi misulti ngadto sa mga amahan, pinaagi'g mga propeta, apan niining kaulahiing mga adlaw pinaagi na sa Iyang Anak, si Jesus.”

⁵⁸ Karon, “ang mga propeta,” si Jesus nag-ingon, sa dinhi pa Siya sa yuta, “sila mga dios. Inyong gitawag kadto nga mga ‘dios,’ kang kinsa ang Pulong sa Dios miabot. Ug ang Kasulatan dili gayud mabungkag,” Siya nag-ingon. Miingon, “Unsaon man ninyo sa paghukom Kaniya nan, kung Siya mao ang Anak sa Dios?” Kita n'yo?

⁵⁹ Ang Pulong sa Dios gibahin sa matag panahon, kung maunsa Kini. Ug si Jesus mao ang katumanan sa tanang mga propesiya. “Diha Kaniya nagpuyo ang bug-os kinatibuk-an sa pagka-Dios diha sa lawas.” Kinsa diha Kaniya. Siya Mao kadtong diha kang Jose. Siya Mao kadtong diha kang Elias. Siya Mao kadtong diha kang Moises. Siya Mao kadtong diha kang David, ang gisalikway nga hari.

⁶⁰ Ang iyang kaugalingong katawhan misalikway kaniya, ingon nga hari. Ug samtang didto na siya sa gawas sa-sa tugkaran, usa ka gamay, tawong sinakit nga nagakamang, gisalikway ang iyang-iyang kagamhanan, ang iyang pamaagi, ug gilud-an niya siya. Ug ang bantay mibunot sa iyang espada, nga nagkanayon, “Mahimong akong punggoton ang ulo nianang maong iro gikan kaniya, nga miluwa sa akong hari?”

⁶¹ Ug si David, tingali'g wala makasabot kung unsay iyang ginabuhat niadtong panahona, apan siya dinihogan. Ug siya miingon, “Pasagdi siya. Dios ang nagsugo kaniya nga buhaton

kini.” Ug mitungas siya ngadto sa bungtod ug naghilak ngadto sa Jerusalem, usa ka sinalikway nga hari.

⁶² Nahimatikdan ba ninyo? Diyutay’ng gatusan ka mga katuigan sukad niadto, ang Anak ni David gilud-an, diha sa kadalanan, ug tua sa bungtod, sa mao ra nga bukid, nagasud-ong ngadto sa Jerusalem, usa ka sinalikway nga Hari. Ug mituaw, “Jerusalem, sa makadaghan gipangandoy Ko ang pagtigum kaninyo maingon sa himungaan nga nagatigum sa iyang mga piso, apan nagadumili kamo?”

⁶³ Wala gayud Niya balhina ang Iyang kinaiya, ‘kay sa mga Hebreohanon 13:8 nag-ingon, “Siya mao sa gihapon kagahapon, karon, ug sa kahangturan.” Ang Dios nagpakatawo, aron mamatay, aron pagtubos kanato sa sala. Mao kana ang hinungdan nga Iyang giusab ang Iyang kaugalingon, nga mahimong usa ka-usa ka tawo.

⁶⁴ Atong makita, diha sa San Juan 12:20, ang mga Griego nakadungog Kaniya. Karon, wala pay tawo nga makapatalinghug Kaniya gawas ang ilang kasingkasing nagadilaab aron makita Siya. Sama kang Job ug sa mga propeta kaniadto, silang tanan nangandoy nga makita Siya. Busa, kining maong Griego miadto aron makigkita Kaniya. Sila miduol kang Filipe, nga taga Betsaida, nga nag-ingon, “Sir, makigkita unta kami kang Jesus.”

⁶⁵ Ang mga Griego buot makigkita Kaniya, apan wala sila makahimo pagpakigkita Kaniya tungud kay diha Siya sa sulod sa templo sa Iyang pagkatawhanon. “Ang Dios diha kang Cristo, nagapasig-uli sa kalibutan diha sa Iyang kaugalingon.” Karon atong makita nga, niini, kining mga Griego dili makapakigkita Kaniya.

⁶⁶ Ug matikdi ang maong mga pulong nga gipadayag ni Jesus kanila, human niadto. Siya miingon, “Gawas kon ang lugas sa trigo mahulog diha sa yuta, mamatay, kini magapabilin nga mag-inusara.” Sa laing pagkasulti, sila dili gayud makahimo nga makita Siya diha sa pagka-usab, diha sa maskara diin atua Siya, tungud kay gitabilan Siya sa tawhanong unod. Apan kung kining Lugas sa Trigo nahulog diha sa yuta, nan Kini magabunga sa tanang mga kaliwatan. Siya gipadala alang sa mga Judio, siyempre, niadtong panahona. Apan kining Lugas sa Trigo kinahanglan mahulog; Nagtabil sa Dios, diha sa tawhanong unod, gililong sa mga dili magtotoo, apan gipadayag sa mga magtotoo.

⁶⁷ Sa Juan 1, “Sa sinugdan mao na ang Pulong, ug ang Pulong uban sa Dios, ug Dios ang Pulong. Ug ang Pulong nahimong tawo, ug mipuyo ipon kanato, ug nakita nato Siya, ang bugtong Anak gikan sa Amahan, puno sa gracia.” Karon, sa sinugdan mao na ang Pulong. Ang Pulong mao ang hunahuna nga nadayag.

68 Sa sinugdan, dili pa gani Siya Dios. Karon, ang atong pinulongang Iningles niining panahona, ang *Dios*, nagkahulogan nga, “usa ka butang silimbahon.” Unsa ka makapalibog kini sa hunahuna. Inyo mahimong mabuhat si bisan kinsa nga usa ka dios. Mahimo ninyo ang bisan unsang butang nga dios.

69 Apan diha sa Daang Tugon, diha sa Genesis 1, “Sa sinugdan *ang Dios*,” ang pulong nga gigamit, Elohim. Ang *Elohim* nagkahulogan “ang Bugtong nagalungtad sa kinaugalingon.” Unsang pagkalahi sa pulong *Elohim*, sa atong pulong nga Dios. Ang *Elohim* nagkahulogan nga “ang Bugtong nagalungtad sa kinaugalingon.”

70 Dili kita mahimong maglungtad sa kinaugalingon. Dili kita mahimong makagagahum, gamhanan sa tanan, anaa sa tanan, masayud sa tanan. Kanang maong Elohim nagapadayag nianang tanan. Dili kita mahimong ingon niana. Ang kahoy nga gikan niini nakabuhat kamo ug dios, o sa-o sa balay, kini dili maglungtad sa kinaugalingon.

71 Busa, ang Dios, sa sinugdanan, mao ang Kinabuhi, ang Bugtong Walay Katapusan. Diha Kaniya mao ang mga kinaiya, ug kadtong mga kinaiya nahimong mga Pulong, ug ang Pulong nahimong unod. Si Jesus mao ang Manunubos. Ug ang *pagtubos*, nagkahulogan nga, “dalhon pabalik.” Kon Iyang kinahanglan dalhon kini pabalik, kini kinahanglan anaa sa dapit kon asa kini dalhon pabalik. Busa, nakita ninyo, ang tanang katawhan dili makahimo sa pagpakakita niini, tungud kay ang tanang katawhan wala sa sinugdan diha sa mga hunahuna sa Dios. Kita n’yo?

72 Tan-awa ang mga sacerdote. Sa dihang nakita nila Siya nga nagpadayag sa Iyang kaugalingon nga tukma sa Pulong, kung unsa Siya, sila nag-ingon, “Kini si Belzebub.” Kadto nagpakita kung diin ang ilang kinaiya. Kini atua sa modernong panghunahuna sa maong adlaw.

73 Apan sa diha nga ang kabus nga bigaon, nga Iyang gikahibalag sa pultahan, ug giingnan siya, gipadayag ang Iyang Pagkamanluluwasnon nga ilhanan, pinaagi sa pagtug-an kaniya kung unsay iyang nabuhat. “Aba,” miingon siya, “Sir, akong naila nga Ikaw usa ka propeta. Kami nahibalo, sa Mesiyas, kung moabot na Siya, Iyang isugilon kanamo kining tanang mga butanga.” Ginaila niya Siya ingon nga Mesiyas, ang Bugtong dinihogan, tungud kay Iyang natagbo ang mga gikinahanglan sa Kasulatan. Wala ba ninyo makita? [Ang kongregasyon nagaingon, “Amen.”—Ed.] Ang duha ka mga bahin sa papel nagkaabot na. Ang babae, “Nahibalo kami niana, sa dihang moabot na ang Mesiyas.”

74 Karon, ang Dios tingali’g kinahanglan isambog *kini* ug *kana*, aron makuha kining hustong tagingting sa kampana, sama sa maghuhulma. Apan sa dihang milingi si Jesus, miingon, “Ako

mao Siya nga nakigsulti kanimo,” walay in-anang pagpahayag sama sa “Belzebug.” Iyang gibiyaan ang iyang banga, midalagan ngadto sa ciudad, ug miingon, “Umari kamo, tan-awa ang Tawo nga mitug-an kanako sa mga butang nga akong nabuhat. Dili ba Kini mao ang Mesiyas?” Kita n’yo?

⁷⁵ Karon, unsay nagpabuhat niini? Ginatakdo ang daang Kasulatan duyog sa kasinatian nga-nga si Jesus nagahatag kaniya, unsay may gihimo niini? Kini nagpadayag sa Mesiyas. Ug nahimatikdan ba ninyo? Diha-diha, ang iyang mga sala gipasaylo, tungod kay, sa sinugdanan, siya usa ka tulobsonon, tungod kay siya diha man sa hunahuna sa Dios sa sinugdanan. Busa, kini nagtubos kaniya, o nagdala kaniya pabalik, sa diha iyang nakita ang gipahayag nga Kasulatan nadayag, kang Jehova, kung unsa Siya kaniadto, kung unsa Siya karon.

⁷⁶ Karon, kung si Jesus moabot, kung Siya miabot dala ang mensahe ni Noe, dili kini magpulos. Aron magtukod sa arka, ug palutawon, kini dili gayud magpulos. Apan kadtong-si Noe maoy kabahin sa Dios. Siya naglihok sa talagsaong paagi tungud kay siya kadto talagsaon, ug ang iyang mensahe talagasaon tungud kay mao kadto ang Pulong nga napadayag.

⁷⁷ Dili siya mahimong moabot uban ang mensahe ni Moises’, tungud kay dili kato magpulos. Si Moises Dios, sa bahin, nga napadayag. Siya mao ang Pulong nga gipahayag alang niadtong taknaa, apan si Jesus dili mahimong moabot ingon niana. Ang Biblia wala gayud miingon nga Siya moabot nianang paagi.

⁷⁸ Apan kung Siya moabot, nga gipahayag sa tukma sama sa-sa giingon sa Tugon nga Siya mahipadayag, nan kadtong tanan kinsa maong mga tulubsonon mitoo niini, tungud kay sila atua man sa hunahuna sa Dios. Ang Iyang mga kinaiyahan sa sinugdanan nahimong unod, ug tulubsonon, ug nga gidala pabalik ngadto sa Dios. “Sa tanan nga midawat Kaniya, kanila naghatag Siya ug kagahum sa pagkahimong mga anak sa Dios,” tungud kay sila man tulubsonon. Sila sa sinugdanan, kabahin sa paglitok.

⁷⁹ Kung kita makahimo paghunong dinhi sa makadiyut, kung kini mahimo pa, ug pamalandungon kana, niining gabhiona, sa mensahe sa panahon, ang nadayag nga mga hunahuna ni Jehova. “Sa wala pa matukod ang kalibutan,” kita na-ingnan, “nga ang atong mga ngalan nahisulat na diha sa Basahon sa Kinabuhi nga Iya sa Cordero.” Nan atong mahimong makita ang duha ka mga bahin, sumala sa una kong giingon, kung nganong masalikwaut man ang usa ngadto sa usa. Kini kinahanglan gayud nga maingon nianang kahimtanga. Kini mao sa kanunay. Kini sa kanunay ingon nianang paagiha, ug mao gayud kini sa kanunay nga kahimtang. “Siya mao ang Pulong. Ug ang Pulong nahimong unod ug mipuyo ipon kanato.”

⁸⁰ Karon, ang Dios, sa . . . balik sa mga adlaw sa Daang Tugon, atong makita nga human Siya nagpakita sa Iyang katawhan, sa nagkalainlaing mga panagway, Iyang gitabilan ang Iyang kaugalingon sa luyo sa karaang panit sa mga mananap. Ang Dios nagtago sa luyo sa panit sa mga mananap, diha sa Iyang lingkuranan sa kalooy. Atong makita nga, kung nganong si Solomon, sa dihang iyang gihalad ang templo sa Ginoo, ug kining mga panit sa mananap nagabitay didto, ang tabil, kung unsa nga Siya miabot ingon nga Haligi nga Kalayo ug ingon nga usa ka Panganod, ug mikunsad sa luyo didto, ug nagtabil sa Iyang kaugalingon, ngadto sa gawas sa kalibutan. Apan, pinaagi sa pagtoo, ang Israel nasayud nga Siya atua sa luyo didto. Sila nasayud nga Siya atua didto, bisan pa kun unsay ikasulti sa paganong kalibutan. Siya natago sa mga dili magtotoo. Apan ang magtotoo, pinaagi sa pagtoo, nasayud nga Siya atua sa luyo didto. Sila anaa sa kalooy. Ug Siya atua sa Iyang lingkuranan sa kalooy, nga maoy dakung tinago.

⁸¹ Nahibalo na kamo, sa Daang Tugon, sa pagsulod sa luyo nianang panit mao ang kamatayon. Karon ang pagpahilayo sa luyo niini mao ang kamatayon. Niadtong panahona ang pagsulod sa Iyang himaya mao ang kamatayon. Karon ang pagpahilayo gikan sa Iyang himaya mao ang kamatayon. Kana nahitabo, siyempre, sa pagkagisi sa tabil didto sa Calbaryo, sa dihang nagisi ang tabil, ang karaang tabil. Karon ang pagpabilin sa gawas sa Iyang Presensya kamatayon. Kaniadto ang pagsulod sa Iyang Presensya mao ang kamatayon. Kita n'yo? Kini nabalhin nga nganhi ug ngadto, ug inyong kinahanglan pangitaon ang Kasulatan aron makita kung unsang adlaw nga ania kita niini.

⁸² Karon, sa diha ang tabil nagisi didto sa Calbaryo, ang Lingkuranan sa Kalooy sa dayag makita na. (Apan unsay nahitabo? Kini nagbitay didto sa Calbaryo, nagapatulo sa Dugo.) Maingon sa ilang pagkuha sa dugo, sa matag tuig, sa paghinlo sa santuaryo ug sa pagsablig niana sa lingkuranan sa kalooy, didto, ang Dios, uban sa Iyang dakung gamhanang hapak sa gahum sa kilat, mibahin sa daang tabil nga panit gikan sa ibabaw hangtud sa ubos, ug ang Lingkuranan sa Kalooy makita na sa dayag.

⁸³ Ang matuod, tinuod nga Cordero sa Dios nagbitay sa dayag didto sa Calbaryo, ang matuod nga Lingkuranan sa Kalooy, sa dihang gibayran na sa Dios ang bili, sa Iyang kaugalingon; ug nahimong kauban nato, ug mipadayag sa Iyang kaugalingon ingon nga usa ka Tawo, aron masinati uban kanato, ug atong masinati uban Kaniya. Ang Lingkuranan sa Kalooy makita na sa dayag sa tanang mga Israelinhon niadtong adlaw sa Panghimayad.

⁸⁴ Apan, intawon, ang mga tradisyon sa mga amahan sa iglesia niadtong adlaw nahimo, pinaagi sa ilang mga tradisyon, maoy nagtabil sa matuod nga Lingkuranan sa Kalooy gikan sa mga tawo. Kung ila pa unta nahibaloan ang Kasulatan, ang

matag bahin miabot unta nga sama sa timaan sa Intsek. Ang propesiya sa Daang Tugon natuman unta, ug kato natuman. Ug kon gikatudloan pa sila sa Kasulatan, ila unta nakita ang Lingkuranan sa Kalooy. “Sama ni Moises,” nag-ingon dinhi, nga, “hangtud niining adlaw karon sila tinaptapan. Kini anaa pay nagahalong sa ilang mga kasingkasing.” Dili nila makita Kini.

⁸⁵ Apan, Siya mao ang Dios, ang nagaantos ug ang Panghimayad. Siya mao ang tinuod nga Lingkuranan sa Kalooy nga nagatindog diha sa tumang talan-awon. Sama nga atong giawit ang balaanong awit:

Tan-awa, sud-unga Siya sa dayag nga panan-aw.

Atua Siya, ang gamhanang Mananaug,
Sukad nga Iyang nagilis kaduha ang tabil.

⁸⁶ Kita n’yo, Siya miabot, ang Lingkuranan sa Kalooy, nagbitay diha sa matin-aw nga talan-awon sa kongregasyon. Apan kanila, nga ilalum sa kinaham nga panghunahuna . . .

⁸⁷ Karon, lalaki ug mga babaye, ug mga pinadala niining maong kumbensiyon, buot kong isulti kini sa walay pinalabi sa tawo. Apan, sumala sa kahimtang karon, sumala sa kung unsay atong tumong dinhi karon, ako nahadlok nga ang mga tradisyon sa mga amahan, ang mga amahan sa iglesia, naglilong Niini gikan sa daghan kaayong mga tawo. Sukad nga ang Espiritu Santo miabot niining katapusang mga adlaw, ingon sa gipropesiya, ug ang tabil nagisi na, daghan kaayong katawhan ang naninguha sa pagpabilin sa mga tradisyon sa ilang mga amahan. Ug mao kana kung ngano nga sila dili makakita niining hilabihang kalipay, ug kalinaw, ug mga butang nga ang iglesia aduna karon. Labot pa, Kini matin-aw sa panan-aw kanila nga nagatoo.

Iyang gililong ang Pulong, ang gisaad nga Pulong niining adlaw.

⁸⁸ Karon, ang mga tradisyon nakamugna ug usa ka tabil. Sila moingon nga ang mga adlaw sa milagro milabay na. Usa ka tawo ang nakigsulti kanako, usa ka maayo, edukadong lalaki sa Tucson, Arizona, diin ako nagpuyo. Ako adunay tigum niadto sa Ramada. Ug kami namulong didto sa Business Men’s Convention nga diin ang Ginoong Jesus mitambong ug nagbuhat sa dagkung mga butang. Ug kining Cristohanong lalaki miduol kanako, ug siya miingon. . . Usa ka ministro sa simbahan, buotan nga tawo, ug siya miingon, “Igsoong Branham, imong gipaningkamotan ang pagtuboy ngadto sa katawhan ang apostolicanhong panahon,” siya miingon, “ug samtang ang panahon nga apostolicanhon mihunong na.”

⁸⁹ Ug ako mitubag, “Hangyoon ko ikaw, Igsoon ko, ipakita kanako kung kanus-a mihunong ang apostolicanhong panahon, diha sa Kasulatan.” Ako miingon, “Ang apostolicanhong

panahon nagsugod sa adlaw sa Pentecostes, ug kini anaay. . . Si Pedro miingon, sa adlaw sa Pentecostes, 'Ang saad alang kaninyo, ug sa inyong mga anak, ug kanila nga atua sa halayo, sa matag usa nga pagatawgon sa Ginoo nga atong Dios.' Kanus-a man kini mihunong? Kung ang Dios nagpadayon pa sa pagtawag, nan sa gihapon ang panahong apostolicanhon sa gihapon anaa pa sa sisyon."

⁹⁰ Ug busa mao kini diin ang katawhan nagtinguha sa pagtaptap sa daghang katawhan, pinaagi sa ilang mga tradisyon sa mga anciano, maingon kini kaniadto. Ug kamo napakyas sa pagpakakita kung nganong ang katawhan malipayon kaayo ug madasigon kaayo. Ug-ug kining mga kumbensiyon ingon ka salikwaut, ingon nga talagsaong butang, alang sa ubang mga tawo, kana tungud kay ilang nakita nga ilang gilahun kaditong mga babag. Ilang gilahun kaditong mga tabil, pasulod sa Presensya sa Dios, diin ilang nakita ang nadayag nga saad niining taknaa nga nahimong dayag sa atubangan sa katawhan. Ilang nakita kung gisaad sa Dios.

⁹¹ Sa Joel 2:28, Iyang gisaad, nga, "Niining katapusang mga adlaw moabot ang katapusang ulan nga *igabubo* sa ibabaw sa katawhan, sa katapusang mga adlaw." Sa akong pagtoo ang Griegong pinulongan niana mao ang *kenos*, nga nagkahulogan nga "Iyang gihaw-asan" ang Iyang kaugalingon. Dili sa paagi nga atong maingon, sama sa usa ka butang nga anaa sa sulod sa usa ka tawo, nga Iya gihaw-as. Kondili, Iyang gibubo ang Iyang kaugalingon.

⁹² Iyang giusab; ang Iyang *en morphe*. Iyang-Iyang giusab, gikan sa kon unsa Siya kaniadto, ngadto sa kon unsa Siya karon. Wala gayud Niya balhina ang Iyang kinaiyahan. Apan sa adlaw sa Pentecostes, Iyang giusab ang Iyang kaugalingon gikan sa pagka-Anak sa tawo, ngadto sa pagka-Anak sa Dios. Siya miabot, dili *dinuyogan* sa katawhan. Siya miabot *sulod* sa katawhan, kita n'yo, ang mao ra nga Dios, aron sa pagdala sa Iyang bulohaton tadlas, niining dakung panahon.

⁹³ Iyang gipanagna diha sa Biblia, nga, "Moabot ang usa ka adlaw nga dili adlaw o gabii, apan sa panahon sa kagabhion motungha ang Kahayag." Karon, ang adlaw, sa hiyograpicanhon, nagasubang sa silangan ug mosalop sa kasadpan. Kini mao ra nga adlaw, sa tanang panahon. Karon, sa diha, ang Anak, S-O-N, gipahayag ang Iyang kaugalingon diha sa pagkapinadayag sa gisaad nga Pulong, ngadto sa Israel, ang katawhan sa Subangan.

⁹⁴ Kita nagka aduna nay adlaw nga mangiub. Kita nagka aduna nay igong kahayag diha sa mga tigreporma, ug sa uban pa, aron sa pagtukod sa mga kasimbahanan ug mga denominasyon, ug miapil kanila ug miipon; ug gihagkan ang kabataan, ug

giminyo ang hamtong, ug naglubong sa mga patay, ug uban pa; ug mopuyo diha sa simbahan.

⁹⁵ Apan, sa panahon sa kagabhion, “Motungha Kini ang Kahayag,” Siya nag-ingon, “sa panahon sa kagabhion.” Ug walay Kasulatan nga mahimong maguba. Ug mao ra nga S-O-N nga nagbubo sa Iyang kaugalingon, *kenos*, sa adlaw sa Pentecostes, nagsaad sa pagbuhat sa samang butang sa panahon sa kagabhion. Kita n’yo? Kini subay sa saad.

⁹⁶ Kuhaa pagdungan ang timaan. Tan-awa kung unsa nay nagakahitabo, ug tan-awa kung unsay Iyang gisaad, nan inyong makita kun hain na kita. Kuhaa pagdungan ang maong butang. Inyon makita ang pagpadayag niining daku ug Bugtong gamhanan. Ang mga tradisyon nagbuta sa katawhan, pag-usab, ngadto niining dagkung mga butang nga gipanagna na kaniadto.

⁹⁷ Si Moises, sa iyang paghiabot gikan sa bukid, nga diha Nagdilaab, unsang katahum sa panag-ingnan!

⁹⁸ Si Moises milugsong ngadto sa Egipto ug gisultihan ang mga amahan sa iglesia nga ang Ginoong Dios miduaw kaniya sa Ngalan nga “MAO AKO.” Kanang Ngalan mao ang presente; dili “Ako kaniadto; sa umaabot.” Kondili, “MAO AKO,” sa kanunay’ng mao sa gihapon, mao sa gihapon kagahapon, karon, ug hangtud sa kahangturan. Siya mao ang alang niining panahona. Siya . . . Kana motukma sa mga Hebreohanon 13:8, “Si Jesus Cristo mao sa gihapon kagahapon, karon, ug hangtud sa kahangturan.”

⁹⁹ Kini mao sa gihapon ang gitagna nga Pulong. Ug, ang kongregasyon, nga motakdo uban nianang Pulong, ang kasinatian niining adlaw. Ang mga tig-reporma nagbaton niini, oh, apan kini mao na ang laing adlaw. Tan-awa kung unsa nang adlaw ang atong gipuy-an. Maingon nga dili Siya makaanhi, sa mga adlaw nga Siya mianhi sa kalibutan, diha sa diha sa paagi nga si Moises miabot, o sa si bisan kinsang propeta nga miabot; kadto wala gipanagna. Ug sa niining katapusang mga adlaw, kini gitagna nga moabot niining paagiha. Kini dili mahimong moabot diha sa porma kang Luther nga rebaybal. Kini mahimong moabot sa porma sa kang Wesley nga rebaybal. Kini usa ka takna sa pagpasig-uli. Kini usa ka panahon nga kinahanglan mahibalik kini sa tiunay’ng Kahayag sa Anak, ang tiunay.

¹⁰⁰ Oh, kon daw sa unsa natong mahimong mailatag ang mga Kasulatan, diha niana! Ug kamong mga batid sa teolihiya, diin man nga bahin sa kalibutan kamo nagagikan, kamo nasayud nga Kana maoy tinuod. Kini maoy usa ka saad. Kana mao ang nakapahimo sa katawhan nga masalikwut kaayo. Mao kana ang nakapahimo sa mga salikwaut, nga ginganlan ninyo sila. Kini tungod kay sila . . . Kini maoy . . . Ang tabil naabli na, gikan

sa mga tradisyon, ug ilang nakita Kini. Siya mao sa gihapon kagahapon, karon, ug hangtud sa kahangturan. Kita n'yo? Kini mao ang-kini mao ang saad sa Dios, ug dili nato mahimo ang pagsupak niana, 'kay ang Kasulatan dili gayud mabungkag. Oo. Atong makita nga Iya gisaad kana. Iyang gihaw-as ang Iyang kaugalingon alang sa Iyang mga katawhan. Ug Siya mao sa gihapon kagahapon, karon, ug hangtud sa kahangturan.

¹⁰¹ Si Moises, human siya miadto sa Egipto ug gipadayag kini, niana gipaluyohan sa Amahan ang iyang mensahe, pinaagi sa paghiabot sa Mount Sinai, diha sa mao rang Haligi nga Kalayo, ug Gipasiga ang bukid. Namatikdan ba nato? Ang mao nga Iyang gitugyanan sa saad, Iyang gipatungha siya kauban ang Pulong. Anaa kaniya ang mga kasugoan. Ug sa pag-angkon niining sugo, siya anaay. . . Ang mga kasugoan mao ang Pulong. Ang Pulong wala pa gayud makaabot sa katawhan. Busa, ang Pulong sa kanunay nagaabot ngadto sa propeta, ug siya maoy propeta alang niadtong panahona.

¹⁰² Sama, kang Jesus nga mao ang Pulong. Si Juan mao ang propeta. Ug si Jesus miadto kaniya, sa tubig, tungud kay ang Pulong sa kanunay gayud nagaadto sa propeta, sa walay pagkapakyas. Kita n'yo? Ang Pulong nagaabot ngadto niini.

¹⁰³ Busa, si Moises, ang Pulong miabot kaniya; ang mga kasugoan. Ug iyang nabatonan sila. Karon, ngano man? Sa wala pa igatugyan ang Pulong ug mahipadayag, si Moises kinahanglan magtabon sa iyang nawong, tungod kay ang Pulong wala pa man mahipadayag sa hingpit. Sila nasayud nga may butang nga nahitabo, apan sila wala mahibalo kung unsa kadto, ang pagnuglob ug pagdalogdog. Hangtud, sila miingon, "Si Moises lamang maoy pasultiha, ug dili ang Dios."

¹⁰⁴ Ug ang Dios miingon, "Bueno, buhaton Ko kana. Sukad karon, Ako dili na mopakita nga sama pa niini. Akong padalhan sila ug usa ka propeta. Busa iyang. . . Ako mosulti pinaagi sa Akong propeta."

¹⁰⁵ Karon, kung si Moises, uban niadtong natural nga balaod, (maingon si Pablo, dinhi sa Ikaduhang mga taga Corinto, nagpadayag kanato), kinahanglan magtaptap sa iyang nawong uban sa natural, unsa pa kaha ka labaw pa ang Espirituhanon ka mahimayaon ug gililong sa mga dili magtotoo sa wala pa kini mahipadayag kaniya! Unsa pa ka labaw pa nga ilang tawgon. . . si Moises maoy usa ka masalikwaut. Unsa pa ka labaw pa nga paganganlan nila kamo, nga nakalahos na sa tabil, nga nakasulod na sa Haligi nga Kalayo, ug migula nga dinala ang Panalangin! Ug karon kamo gitabilan na. Ang katawhan dili makakita niini. Sila dili makasabot Niini.

¹⁰⁶ "Kon ang natural mahimayaon, unsa pa ka labaw pa ang supernatural! Kon ang natural, nga may katapusan kini,

kaniadto mahimayaon, unsa pa ka labaw pa Kini nga walay katapusan kini, sa pagka mahimayaon!”

¹⁰⁷ Apan, sa gihapon, Kini sinalipdan. Kini sinalipdan dili ngadto sa magtotoo, kondili ngadto sa dili magtotoo. Siya dili makakita Niini. Ang Diyos sa kanunay nagatabil sa Iyang kaugalingon diha sa dili magtotoo. Ang mga tradisyon maoy nagsalipod Niini. Sama sa ilang gibuhat kaniadto, ilang gibuhat kini karon.

¹⁰⁸ Mao katong espirituhanong tabil nga ania kanato karon, nga diin mao ang natural nga tabil kaniadto. Sila gipamatud-an pinaagi sa propeta uban sa sinulat nga Pulong, usa ka magtatagna, ang usa nga nagaabot uban sa sinulat nga Pulong, sa pagpatin-aw Niini.

¹⁰⁹ Ilang nahibaloan nga ang Pulong atua didto, apan wala sila mahibalo kung unsay ipasabot Niini. Ug si Moises mihimo sa pagpatin-aw Kini. Siya nag-ingon, “Ang kasugaoan naga-ingon *Niini*, ug *kini* mao kon ngano.” Iyang gihimo kini nga tin-aw. Ug sa dili pa Kini mahipatin-aw, Kini tinabilan pa.

¹¹⁰ Ug mao man usab kini, karon, tinabilan ngadto sa katawhan, hangtud nga Kini napadayag ug nahimong tin-aw sa katawhan. Ang Dios, ang gamhanang Dios, nagpasalipod sa tawhanong unod, ang Pulong. Matikdi. Karon atong makita nga kini gililong kadto sa mga dili magtotoo, apan gipadayag sa magtotoo.

¹¹¹ Matikdi, si Moises kinahanglan nga mosulod niining Haligi nga Kalayo, nga nag-inusara. Walay usa nga makauban kaniya. Kini dili . . . kini . . . Unsa may gipasabot niana kanato? Nga kamo dili nagasulod Niini pinaagi sa pagpasakop sa pundok sa Pentecostal. Kita n’yo? Wala gayud Kini Niya ipadayag ngadto sa usa ka pundok. Iya gipadayag Kini ngadto sa matag usa. Ug kana mao ang paagi niini karon. Kamo magkanayon, “Ako sakop nianang usa-usa ka simbahan. Ako-ako nahisakop *niini*.” Apan dili kana magpulos. Kita n’yo?

¹¹² Ug alang kang bisan kinsa nga mosulay pagsunod kang Moises, aron sundogon kini, mao ang kamatayon. Ug mao man usab kini karon, espirituhanong kamatayon, ang pagpaninguha sa pagsundog. Kana mao kon unsa ang . . .

¹¹³ Niining gabhiona, kita nagpadulong ngadto, anaay pagtungha taliwala sa mga pundok, unodnon nga panag-indigay; adunay pagpaninguha sa pagbuhat sama Niini, ug magkinabuhi sa lahi nga kinabuhi; makahimo sa pag-inum, makahimo pagtabako, ang kababayen-an makahimo pagkinabuhi (sa bisan unsa) halos sa bisan unsang paagi nga ilang gusto, ug sama sa kalibutan, ug magpuyo sa balay ug motan-aw ug telebisyon, ug sa mga butang sa kalibutan, ug sa gihapon tawgon ang ilang kaugalingon nga mga Pentecostal. Ilang gipanguha sa pagsundog sa matuod. Kini dili gayud nahipadayag ngadto kanila, pa. Sa diha Kini ipadayag, kini

mahimayaon, ug usa ka butang nga nagatangtang diha kaninyo kung mosulod kamo Niana. Ikaw mahimong usa ka tabil. Kini. . .Kini dili gayud magpulos. Ug ang pagsundog Niini mao ang kamatayon.

¹¹⁴ Ang tabil ni Moises'; siya maoy buhing Pulong ngadto sa katawhan. Ug karon, ang katawhan nga natabilan manag mao ra sa gihapon. "sila mao ang mga buhing sinulat, nga pagabasahon sa tanang tawo." Dili nga usa ka *bag-ong* sinulat; kondili sa sulat nga nahisulat na, gihimong dayag. Kini mao-kini mao kadtong mitoo sa Pulong ug sa saad niining adlaw, nga ang Dios nagabubo sa Iyang Espiritu, sa tanang unod, ug kana mao ang buhing mga sinulat. Ug kung ang usa ka tawo mosulay sa onudnon nga pagsundog niana, kini magabalitok. Ang inyong kinabuhi nagapakita kung unsa kamo.

¹¹⁵ Usa niana ka higayon may usa ka batang lalaki, siya nakasugamak sa kagubot. Siya usa ka maayong bata, apan siya-siya nahiadto sa hukmanan. Ug ang maghuhukom miingon, "Akong nakaplagan nga ikaw sad-an. Kinahanglan nga silotan ko ikaw sa pagkabilanggo sa tibuok kinabuhi."

¹¹⁶ Siya mitubag, "Buot kong husayon ang kaugalingon kong sumbong." Siya miingon, "Buot kong subayon ang akong kaagi."

¹¹⁷ Siya mitubag, "Wala kay kaagi. Ang imong kaagi maoy nagsudya kanimo."

¹¹⁸ Ug mao man usab kana karon, ang hinungdan nga ang iglesia wala molambo nga kinahanglan sa angay nga kini unta. Kini tungud sa kaagi. Kini ang bakak. Kita kinahanglan mahimong labaw pang matinugyanon. Atong kinahanglan toohan ang matag Pulong sa Dios. Kita kinahanglan mangita hangtud nga ang Pulong mahimong matuod kanato. Kita n'yo? Kita n'yo? Ang kaagi maoy nagapugong kanato sa pagsulod niini.

¹¹⁹ Apan, usa niana ka higayon, (aron kamo mahipagawas gikan niining laang), dinhi niining mao rang hukmanan, ang bata walay salapi. Siya dili makabayad niini. Ang multa anaa sa mga linibo ka dolyar. Apan siya adunay usa ka dakung igsoong lalaki nga miabot ug mibayad niini alang kaniya.

¹²⁰ Karon, anaay atong dakung Igsoon, si Jesus, ang Anak sa Dios. Ug Siya mianhi aron bayaran kini alang kanato, kon ato lamang toohan kini ug makahimo sa pagsulod ngadto sa tabil uban Kaniya. Sama, nga Siya mao ang atong Moises. Si Jesus mao ang atong Moises karon. Si Moises, sa tabil, mao ang buhing Pulong ngadto sa katawhan. Karong adlaw, si Jesus, tinablan, mao ang Buhing Pulong ngadto sa katawhan, nga, si Jesus diha sa Iglesia. Ang Espiritu Santo, ang Anak sa Dios diha sa katawhan, nagapadayag sa Pulong pinaagi sa saad niining adlaw, nagpahigayon Niini nga tukma gayud. Mao sa gihapon karon.

¹²¹ Ug hinumdumi, si Moises gibuhat kini, ug gipadayag kini, dili alang sa tanang kalibutan, kondili alang sa mga pinagulang katawhan, usa lamang ka matang nga katawhan, nga kadtong mga nanggawas sa exo- . . . diha sa pag-exodu.

¹²² Ug karon, ang Espiritu Santo, diha sa atubangan sa katawhan nga naga-ingon, “Ang Balaanong pagpang-ayo dili husto.” Sa diha ako gikonsulta . . .

¹²³ Usa ka doctor mitawag kanako, sa miaging adlaw, mahitungod sa usa ka diutay’ng babaye, oh, dihay upat o lima na ka mga masakiton nga atua didto, nagalubog nga nag-ungaw na sa kamatayon, nagahulat na lang sa oras, ug ang Espiritu Santo nag-ayo kanila. Ang doctor naglibug niini. Siya miingon, “Giunsa man sa pagkahimo niini? Hala,” matud niya, “Ako-akong . . . Kanay akong pasyente.”

¹²⁴ Akong gitubag, “Kini lagi. Apan karon kini sa Dios na. Kini-kini, kini Iya nang sakop karon.” Kita n’yo?

¹²⁵ Ug busa inyong nakita kining butanga, nga ang Dios nagatawag sa usa ka pagbiya, sa paggawas gikan sa likud sa unodnong tabil nga nagatinguha pagsundog, nga nagasulay pagpasakop sa simbahan; dili ang Methodist, Baptist, Presbyterian, ang tanan, kondili ang Pentecostal nga mga kasimbahanan. Kini usa ka iniyaiyang buhat. Kini tali kanimo ug sa Dios. Ikaw kinahanglan mosulod, dili ang imong pundok, dili ang imong simbahan, dili ang imong pastor, apan ikaw ang kinahanglan nga mosulod.

¹²⁶ Akong buot ipahibalo kaninyo ang lain pang taras ni Moises, sa diha siyang mitungha. Bisan pa, ingon nga usa ka propeta, ingon nga usa ka bantugang tawo nga siya kaniadto, sa diha siya mitungha dala ang Pulong, nakita sa katawhan nga siya nausab. May usa ka Butang nga nahitabo kaniya. Sa dihang siya mitungha uban sa gipanghimatud-ang Pulong niadtong taknaa, ang mga Kasugoan, siya usa na ka bag-ong tawo.

¹²⁷ Ug busa kamo usab, kung kamo mogawas sa luyo nianang tawhanong tabil nga mokatawa sa tigum nga sama niini; kadtong tawo nga mahipangdol sa Balaanong pagpang-ayo, ug moingon nga ang mga adlaw sa mga milagro milabay na. Kamo nakagawas na gikan sa luyo nianang tawhanong tabil diha, ang makatradisyong tabil, ug ang matag usa mahibalo nga may usa ka butang nahitabo kanimo.

¹²⁸ Sama sa atong talahorong Igsoon, si Jim Brown. Akong mapamalandong ang kadaghanang mga Presbyterian nasayud nga may usa ka butang nahitabo kaniya, tungud kay siya-siya migawas na sa usa ka maka-tradisyong tabil. Siya may nakitang butang diha sa katawhan, nga nakapadani kaniya, ug migula siya gikan sa luyo sa tabil.

¹²⁹ Bueno, ikaw, sa dihang ikaw mogula gikan sa luyo sa tabil, nan mamahimo ikaw nga talan-awon sa katawhan, nga

makakita sila nga may butang nga nahitabo kanimo. Ang tinabilang Pulong, ngadto sa dili magtotoo, apan matin-aw alang sa magtotoo. “Si Jesus Cristo mao sa gihapon kagahapon, karon, ug hangtud sa kahangturan.”

¹³⁰ Kaniadto, kadto Dios. Sa ilang mga adlaw, kadto Dios diha sa Tawo, ang Iyang Anak, si Jesus Cristo. Atong gitooan kana. Dili lamang usa ka propeta, dili lamang usa ka ordinaryong tawo, ordinaryong pagkatawo. Kadto mao ang Dios diha kang Cristo; ang Dios diha sa usa ka Tawo; ang kahupnganan sa pagka-Dios, sa pagkalawas diha sa usa ka Tawo. Ang Dios diha sa usa ka Tawo!

¹³¹ Karon kini Dios diha sa kalalakin-an, ang kinatibuk-an sa Dios diha sa pagka-Dios, sa pagkalawas anaa sa Iyang tibukok nga Iglesia, nagapadayag sa Iyang kaugalingon, nagatuman sa Iyang Pulong.

¹³² Karon atong makita, ang Dios, sa tanang kapanahunan, anaay Kini gisul-ob nga panit. Siya, Ang Dios, natago sukad pa sa luyo sa usa ka tabil.

¹³³ Kini nagapahinumdom lamang kanako sa usa-usa kagamay’ng sugilanon nga nahitabo didto sa Habagatan. Ug busa dihay usa ka panimalay nga Cristohanon. Ug dinhi niining panimalaya nga Cristohanon sila nagtoo sa Dios, ug sila-sila nagtoo nga-nga ang Dios nanalipod kanila sa tanang mga kagubot. Ug, kinsa, Iyang ginabuhar. Ug sila adunay usa ka gamay’ng batan-on, usa ka batan-ong lalaki mga pito o walo ka tuig ang panuigon. Ug-ug siya mitambong sa Sunday School ug maayo kaayong batan-ong lalaki. Apan siya nalisang sa bagyo, ilabina kung ang kilat nagapangidlap.

¹³⁴ Ug akong gisugilon kini sa usa ka tawo, sa miaging adlaw, sa diha kining tawo nga migawas bahin niining tawo nga naayo. Kining mao rang ministro miingon, “Sila nagbuhar ug usa ka dios gikan kanimo, Igsoong Branham.”

¹³⁵ Bueno, siya usa ka mananaway, busa akong nahunahunaan ako na lamang daw sa undangon kini, sa makadiyut lamang. Dili sa pagpasakit, nahibalo na kamo, kondili maoy usa lamang ka. . . Ako mitubag, “Halayo ba kana kaayo sa Kasulatan, ang pagkahimo niana?” Kita n’yo? Matud ko, “Dili, dili gayud,” Matud ko, “Tungud kay gitawag ni Jesus ang mga propeta nga ‘mga dios.’ Kita n’yo? Husto kana, ‘Dios.’”

¹³⁶ Ug sila miingon, “Bueno, kamong mga tawhana nagtinguha sa pagkuha sa dapit sa Dios.” Kana dili halayo kaayo. Kana maoy husto kung unsa kini. Kana husto kaayo. Ang Dios nadayag sa unod, sumala sa Iyang gisaad.

¹³⁷ Kining kabus nga panimalay, atong makita. Akong gisuginlan siya niining gamay’ng sugilanon, nga misantop sa akong hunahuna karon pa lang. Nga, usa niana ka gabii

miabot ang bagyo, ug ang inahan miingon kang Junior, miingon, “Karon, saka ka ngadto sa taas, anak, ug katulog na.”

Miingon, “Ma, nahadlok ako,” matud niya.

“Walay bisan unsa nga makadaut kanimo. Saka na sa taas ug matulog.”

¹³⁸ Ang gamay’ng junior mihigda didto, ug ang kilat nagapangidlap diha sa mga bintana. Ug ang batang gamay nalisang kaayo, siya nagtabon sa iyang ulo, ug iyang madungog sa gihapon ang-ang kilat, o makita ang pangidlap sa kilat diha sa mga bintana, ug-ug madungog ang ngulob sa dalogdog. Busa siya miingon, “Mama!”

Ug miingon siya, “Unsay imong gusto, junior?”

Mitubag, “Saka ngari ug katulog uban kanako.”

¹³⁹ Busa misaka siya sa hagdanan, sama sa bisan unsang maayo, matinud-anong inahan. Ug siya misaka, ug iyang gikuha ang gamay’ng junior diha sa iyang mga bukton. Ug siya miingon, “Junior, makigsulti si mama kanimo sa makadiyut lang.”

Mitubag, “Sige, mama.”

¹⁴⁰ Miingon, “Karon kinahanglan nga timan-an mo kini. Kita moadto sa simbahan, sa kanunay. Kita nagbasa sa Biblia. Kita nag-ampo. Kita usa ka pamilya nga Cristohanon. Kita nagtoo sa Dios.” Ug miingon, “Kita nagatoo nga, diha sa mga bagyo ug bisan unsa pay mahitabo, ang Dios maoy atong panalipod.”

¹⁴¹ Siya mitubag, “Mama, akong gitooan ang matag bahin niana. Apan,” miingon, “kung duol na kaayo ang kilat,” siya miingon, “Ako-akong gusto ang usa ka Dios nga may panit Niini.”

¹⁴² Busa, ako-ako namalandong, dili lamang kay junior, kondili kitang tanan mobati sa ingon. Kon kita nagkatigum, sa diha kita nag-ampo alang sa usa’g usa, ang Dios nga may panit Niini.

¹⁴³ Ug atong makita dinhi nga ang Dios kanunay’ng anaay panit diha Kaniya. Sa pagkakita Kaniya ni Moises, anaay Iyang panit diha Kaniya, sama sa usa ka Tawo. Sa diha ang Dios atua sa luyo sa mga tabil, anaay Iyang panit diha Kaniya. Ug ang Dios, niining gabhiona, diha sa Iyang Iglesia, gitaptapan sa Iyang Iglesia uban sa panit nga diha Kaniya. Siya mao sa gihapon nga Dios, niining gabhiona. Atong nakita kana.

¹⁴⁴ Apan karon, maingon sa gihapon, ang panit nga tabil maoy nagadakup sa mga tradisyon. Sila dili gayod makatoo nga kana mao ang Dios nga nagahimo kanila nga katawhan sa pagbuhat nga ingon niana. Kita n’yo? Kini tungod kay ang Dios gitabilan sa Iyang Iglesia, diha sa panit, sa panit nga anaa Niini. Husto kana. Siya sinalipdan sa dili magtotoo, ug gipadayag sa magtotoo. Oo, sir.

¹⁴⁵ Karon, sa diha ang ilang maka-tradisyon nga tabil, sa mga tradisyon sa mga anciano ug sa Pulong, gilagbasan, oh, siyempre, karon, sa ingon mahimo nang tataw, atong makita Siya, ang pagka-Dios gisalipdan sa tawhanong unod. Mga Hebreohanon 1 nagsulti sa ingon.

¹⁴⁶ Ug usab sa Genesis 18. Hinumdumi, ang Dios usa ka Tawo nga nagatindog didto, nagakaon, ug nagasulti kang Abraham, ug mitug-an kung unsay ginabuhat ni Sara sa tolda diha sa luyo Niini.

¹⁴⁷ Ug si Jesus nag-ingon, “Maingon sa mga adlaw sa Sodoma, mao man usab unya sa Pag-abot sa Anak sa tawo.” Ang pagka-Dios natabilan na usab sa tawhanong unod! Karon, hinumdumi, si Jesus wala mag-ingon, “Kung ang Anak sa Dios ipadayag na.” Diha sa Lukas sa ika-17 nga capitulo, nagtoo ako, ug sa ika-20, ika-21 nga bersiculo, nga anaa diha, Siya nag-ingon, “Ug kung ang Anak sa tawo mahipadayag na.” Ang Anak sa tawo, balik diha-diha-diha pag-usab sa Iglesia, gipadayag diha sa mga tawhanong nilalang; dili nga Anak sa Dios, kondili ang Anak sa tawo usab, balik sa Iyang Iglesia pag-usab, sa katapusang mga adlaw. Atong makita nga Iyang gisaad kana diha sa mga saad sa Dios.

¹⁴⁸ Atong nahimatikdan ang lain pang butang, diha sa Daang Tugon. Ako aniay Kasulatan dinhi, sa Exodu. Nga, ang daan nga mga panit sa mananap, unsay nabuhat niini? Kini nagsalipod sa himaya sa Dios gikan sa katawhan. Ang panit sa mga mananap; bisan ang katawhan dili makakita Niini, tungud kay kadto usa man ka panit ang nagpugong Niini. Ang panit maoy... Ang himaya sa Dios atua sa luyo sa panit.

¹⁴⁹ Ug karon ang himaya sa Dios ana sa luyo sa inyong panit. Husto kana. Ug ang mga tradisyon dili makakita niini. Kini anaa sa sulod sa tabil, kon diin atua ang Iyang Pulong.

¹⁵⁰ Unsa man ang atua sa sulod niadtong panit kanhi kaniadto, sa karaang mga panit sa mananap?

¹⁵¹ Nga Kinsa, “Walay katahum aron ato nga tinguhaon Kini. Ug sa diha Kini nahimong unod ug mipuyo uban kanato, Kini wala sa gihapon katahum aron atong tinguhaon Kini.”

¹⁵² Ug karon mao sa gihapong butang karong adlaw. Walay bisan unsa nga anaa sa usa ka tawo o usa ka babaye, nga mahimong tinguhaon. Kini kondili unsay anaa sa luyo niana. Mao kana kon unsa kini. “Bueno,” kamo moingon, “kanang tawhana, ako nahibalo nga siya usa kaniadto ka palahubog. Iyang buhat kaniadto *kini*.” Dili ko igsapayan kung unsay iyang gibuhat kaniadto. Unsay natago diha nianang maong panit? Kon unsa may anaa sa luyo niana, mao kana ang kon unsa ang mahinungdanon. Kana mao kon unsa, ang katawhan nabutahan. Ang panit nagabuta sa mga katawhan. Kita n’yo? Sila nagaingon, “Akong nahinumduman kon unsa kanang

babaye kaniadto.” Ako nasayud kon unsa siya kaniadto, apan unsa na man ang karon? Kita n’yo?

¹⁵³ Silang mga panit, nga kanhi diha sa mananap, apan karon kini nagatago sa Himaya sa Dios, gipapuyo Kini sa luyo niini. Kini kaniadto diha sa usa ka mananap, apan karon nagapapuyo na sa himaya sa Dios.

¹⁵⁴ Ug mao man usab ang inyong panit mausab, niining gabhiona, aron buhaton nga balay puloy-anan sa Dios, ang Dios nagapuyo diha sa pagkatawhanon.

¹⁵⁵ Tan-awa. Ang daan nga mga panit sa mananap, atong makita, sa luyo niini mao . . . Sa sulod didto mao ang Pulong. Ug, ang Pulong, didto usab atua ang tinapay. Ang arka gisabligan. Ug unsa man kato? Ang Shekina nga Himaya atua didto.

¹⁵⁶ Karon, ang Pulong usa ka Binhi, ug Kini dili moturok hangtud nga ang-ang Anak modan-ag Niini. Ang Anak kinahanglan nga maanaa sa ibabaw sa Binhi, aron Kini makapamunga, aron Kini moturok. Ug mao ra kana ang bugtong paagi. Imong dawaton ang Pulong, kita n’yo, dawata ang Pulong sa Dios sa imong kasingkasing, ug lakaw paingon ngadto sa Shekina nga Himaya. Ug kung buhaton mo, kini magadala sa tinapay, ang Manna, nga gihatag alang lamang sa linaing katawhan. Ang bugtong butang nga maoy makakaon niini, nga gitugotan sa pagkaon niini, mao lamang ang katawhan ni kinsa gitugotan ug nakaila Niini. Si Pablo nag-ingon dinhi, nga “Ginausab gikan sa Himaya ngadto sa Himaya.” Nakita ninyo, sa katapusan, Kini misangko ngadto hangtud Kini mahibalik sa naandang Himaya Niini.

¹⁵⁷ Kini sama ra sa usa ka binhi sa himaya sa kabuntagon. Ang binhi sa usa ka bulak, kini mahulog ngadto sa yuta. Ang binhi sa mais mahulog ngadto sa yuta. Unsay unang butang? Kini moturok, ug kini usa ka udlot. Dayon kini mopaingon sa usa ka uhay. Dayon, gikan sa uhay, mobalik ngadto sa tiunay’ng lugas.

¹⁵⁸ Bueno, mao kana ang tukmang gibuhay sa Iglesia. Kini naggikan kang Luther, kang Wesley, ug karon mibalik ngadto sa tiunay’ng Lugas, mibalik ngadto sa tiunay’ng Himaya Niini, balik ngadto sa Himaya Niini kanhi sa sinugdan. Ang Anak nga misubang sa Sidlanan, kini mao ra nga Anak nga nagapadayag sa samang butang sa Kasadpan, nagabalhin gikan sa Himaya ngadto sa Himaya. Kini giusab gikan sa pagano, paingon ngadto kang Luther; ug gikan kang Luther, paingon ngadto kang Wesley; gikan kang Wesley, paingon ngadto sa Pentecostal; ug padayon nga nagpadayon, nagabalhin gikan sa Himaya ngadto sa Himaya, nga nagabunga sa tinagoan nga Manna.

¹⁵⁹ Ug karon Kini hinog na, aron Siya ibalik sa tukma kung unsa Siya sa sinugdanan, ang Iyang mao sa gihapong bulohaton; mao ra nga Jesus, mao ra nga gahum, mao ra nga Espiritu Santo. Mao rang Usa nga mikanaug sa Adlaw sa Pentecostes, ang mao

ra nga Espiritu Santo nga gipadayag karon, gikan sa Himaya ngadto sa Himaya, ngadto sa Himaya. Ug mibalik ngadto sa tiunay'ng Binhi, niini pinaagi sa Bautismo sa Espiritu Santo; uban sa mao rang mga ilhanan, mao rang mga katingalahan, mao rang bautismo; mao ra nga matang sa katawhan, nanaglihok sa samang paagi, uban sa mao rang gahum, mao rang kahinam. Kini nagagikan sa Himaya ngadto sa Himaya. Ug ang mosunod paga-usbon, "Nag-usab gikan niining Himaya, sulod sa usa ka lawas sama sa Iyang Kaugalingong mahimayaang lawas, diin atong makita Siya." Si Abraham nakita ang susama.

¹⁶⁰ Karon matikdi. Atong nakita kung giunsa niadto sa pagkausab. Sukad pa sa Calbaryo, kita gidapit aron moambit sa Iyang Himaya. Karon, diha sa Nahaunang mga taga Corinto 12, "Kitang gikabautismohan ngadto sa Iyang Lawas. Pinaagi sa usa ka Espiritu kitang tanan gikabautismohan." Dili pinaagi sa usa ka "tubig." "Sa usa ka Espiritu, kitang tanan gikabautismohan." Husto kana, karon, ug dayon kita nahimong bahin Niya.

¹⁶¹ Ako naglaum nga wala ko kamo langana pag-ayo. [Ang kongregasyon nagainingon, "Dili."—Ed.] Kita n'yo? Ako nanghinaut nga dili.

¹⁶² Apan, kini sama ra sa usa ka simponiya nga nagatugtog, o nagalihok sa usa ka drama.

¹⁶³ Ako wala mahibalo kaayo mahitungod sa semponiya o sa drama. Apan ako nagatan-aw kining maong dula... akong gihisgotan mahitungod sa *Carmen*, sa diha ang akong anak nga dalaga ug sila diha niana. Ug sila-ug sila ato nagadula niining maong simponiya, sa *Carmen*. Ilang ginadula. Ang tugtog nag-nag-nag dula sa mao rang butang.

¹⁶⁴ Kana ang nagakahitabo kon kamo nabautismohan pinaagi sa Espiritu Santo, diha kang Cristo.

¹⁶⁵ Karon, tan-awa, daghan kaninyo ang nakabasa o nakadungog sa sugilanon sa usa ka bantugan nga magsusulat nga Russianhon nga nagsulat sa *Peter And The Wolf*. Ug giunsa niya, ilang gidula kato sa mga timaan ug tanan na. Ug ang si bisan kinsa nga nahibalo sa sugilanon, nga gibasa kini sa usa ka mantalaan, ug makadungog niadtong simponiya, kung giunsa niadto sa pagdula, ang drama, ang ginadula, ang dula, ilang nahibaloan ang matag kausaban. Ilang makita kini *dinhi*, ug makita ang kabalhinan.

¹⁶⁶ Apan, karon, unsa may mahitabo kung ang-kung ang magsusulat misulat ug usa ka butang, ug atong makita nga kini wala gidula sa husto? Atong makita dayon nga anaay butang nga nagakahitabo. Anaay butang nga nakulang, sa diha atong makita sila. Siya nga nagsulat niini maoy nagbuhat niini ug misulat niini, ug unya ang simponiya nagadula niini, natunong sa sayop nga nota. Anaay butang nga sayop. Ang director nakahatag ug sayop sa pagdumala. Kita n'yo?

¹⁶⁷ Ug kana mao ang nagakahitabo karon, mga kaigsoonan kong Lutheran, mga kaigsoonan kong Baptist, mga kaigsoonan kong Pentecostal. Tanan kong mga kaigsoonan sa nagkalainlaing mga denominasyon, mao kana. Kita n'yo? Inyong ginasulayan sa paghatag sa nota nga mitunong balik sa mga adlaw ni Luther, kang Wesley, sama niana, sa diha, sa tinud-anay, ang Panid sa musika dinhi nagapakita nga laing adlaw na kini. Kita n'yo? Kita n'yo? Kita n'yo? Kita dili na mabuhi sa kahayag ni Luther; siya kaniadto usa ka repormador. Atong gipasalamatan ang iyang-iyang papel, apan ato nang nadula kana. Kita ania na *dinhi* sa likud sa Basahon karon. Kita n'yo? Kita dili na makahimong-kita dili na makahimo pagdula sama niana.

¹⁶⁸ Karon, ang bugtong paagi nga makahimo kamo sa pagbuhat niini, mga igsoon ko, mao kini. Ug mga kaigsoonan sa kalibutan, sa nagkalainlaing dapit sa kalibutan, mahimong moingon ko, anaay usa lamang ka paagi alang niana-alang nianang maong magdudumala nga pagabuhaton. Iyang kinahanglan nga mosagop sa mao rang Espiritu nga atua sa sulod sa magsusulat, dayon iyang makuha Kini. Ug kon ang Iglesia, ug simponiya sa kaugalingon Niini, diin ang kalibutan nagabantay alang niining maong mga ilhanan ug mga katingalahan; sa diha ang Iglesia, ug ang Magsusulat, ug ang magdudumala, tanan magkahiusa diha sa Espiritu nga iya sa Magsusulat.

¹⁶⁹ Dayon kon sila magaingon, “Ang mga adlaw sa mga milagro milabay na,” kini dili tunong sa hustong nota.

¹⁷⁰ Apan kung kini anaa na sa hustong lihok Niini, ug sa hustong Espiritu Niini; Unsaon mo man sa pagbuhat niini hangtud nga ang Espiritu mokunsad, nga sa Magsusulat? Amen. Dayon sa diha na moingon kamo, “Ang mga adlaw sa mga milagro wala pa gayud nahuman.” Ang simponiya nagasinggit nga, “Amen.” Kung atong matunong, moingon, “Si Jesus Cristo mao sa gihapon kagahapon, karon, ug hangtud sa kahangturan.” Ang simponiya nagasinggit, “Amen.” “Kamo magadawat sa gahum human nga kining maong Espiritu Santo mokunsad diha kaninyo.” Ang simponiya nagasinggit, “Amen. Akong nadawat Kini.” Nan diha niana wala nay panaghap pa bahin niini. Ang kinatibukang simponiya nanagkaduyog na mismo uban ang Pulong. Kini nagapadayon. . . [Si Igsoong Branham nagpakpak sa iyang mga kamot dungan sa makatulo ka higayon—Ed.] Mao kana. Oh! Kini usa ka maanindot nga butang. Ang magdudumala ug ang Magsusulat kinahanglan nga magkahiusa sa samang Espiritu. Ug busa kinahanglan ang mga maghuhuni anaa sa samang Espiritu, aron pagbuhat niining tanan. Ug ang kalibutan nahibulong kung unsay nagakahitabo.

¹⁷¹ Ang komunismo ilang gihisgutan, ug nakapalagot kini, ug tanan niining pagtingub ug ang tanan na, ug pagkabahinbahin. Oh, kaloy-i! Ingon niini, tanan kining walay kapuslanan, sa diha nga ang pag-abot sa Ginoo haduol na, anaay butang nga naga-

igo og sayop. Ako naguol nga ang magdudumala nahi . . . Ang mga magdudumala nahigawas sa Espiritu sa Magsusulat.

¹⁷² Kung atong maangkong kanang Espiritu sa Magsusulat, kanang tiunay'ng gahum sa Dios nga sa Biblia giingon, “Mga tawo sa kanhing panahon minanduan sa Espiritu Santo sa pagsulat sa Biblia,” inyong makita silang duha ka mga bahin sa papel sa Intsik nga magkaabot, sama ra sa Biblia sa Dios ug ang magtotoo magkahiusa, tungod kay silang duha managsama ang Espiritu. Silang duha usa ra ka butang. Sila magkadugtong gayud pag-ayo. Unsay atong gikinahanglan karon mao ang mga magdudumala, kana'y husto, nga nagabalik sa Pulong, nagabalik ug gitooan Kini sumala lamang sa giingon Niini. Dayon inyo nang makita ang Dios, sa Iyang kaugalingon. Kana mao ang pagpadayag. Ang drama nahimong matuod.

¹⁷³ Karon, sila moingon, “Bueno, Siya usa ka Dios sa kasaysayan. Atong nahibaloan nga Iyang gilabang ang Mapula nga Dagat. Iyang nahimo *kining* tanan. Ug Siya atua sa-sa hudno nga kalayo, kauban sa mga anak nga Hebreohanon.” Unsa may nakaayo sa Dios sa kasaysayan, dili, kon Siya dili pa mao sa gihapon karon? Ang tawo kanunay'ng magadayeg sa Dios kung unsay Iyang gipangbuhat, mamalandong kung unsay Iyang pagabuhaton, ug gilimod kung unsay Iyang ginabuhat. Anaa lang kana sa tawo ang pagbuhat niana. Ug mao ra sa gihapong butanga karon, mga igsoon ko. Kini mao ra sa gihapong butanga. Oh, sus!

¹⁷⁴ Mobalik kita ug patugtugon ang simponiya sa husto, kon diin sila sa kalibutan makakita. Si Jesus nag-ingon, “Kung Ako ikaisa na gikan sa yuta, kabigon Ko ang tanang mga tawo nganhi Kanako.” Ug, “Siya mao sa gihapon kagahapon, karon, ug hangtud sa kahangturan.”

¹⁷⁵ Tugoti nga ang mga magdudumala mapahimutang sa hustong Espiritu, kauban sa mga maghuhuni ug kauban sa Magsusulat, ang tanang butang mamahimong husto. Unya kita, wala na ang pagpanaghap bahin niini, kitang mailhan na uban Kaniya dayon. Mga Hebreohanon 13:8 nag-ingon, “Siya mao sa gihapon kagahapon, karon, ug hangtud sa kahangturan.”

¹⁷⁶ Kita nailhan uban Kaniya diha sa mga Buhat 2. Kita nailhan uban kanila, uban sa mao rang bautismo, mao rang butang. Sa tanan nga Siya mao kanhi ug sa tanan nga Siya mao karon, ang tanan nga Siya kanhi ug ang tanan nga Siya karon, mao kita. Mao gayod.

¹⁷⁷ Sama ra kung gusto ako mahimong usa ka matinud-anong Americano, kinahanglan ako nga mailah sa tanang butang nga siya kanhi, tanang butang nga siya karon. Ako kinahanglan hilhan uban niini, kon ako usa ka matuod nga Amerikano.

¹⁷⁸ Kung ako usa ka matuod nga Americano, nan ako nahitugpa sa Plymouth Rock. Amen. Nahimo ko, kung ako usa ka

Americano. Mao man usab kamo; mitugpa kamo didto sa Plymouth Rock kauban sa dumuloong nga mga ginikanan. Sa Plymouth Rock, sa dihang mitugpa sila didto, kauban ako nila; maingon man usab kamo, ang tanan.

¹⁷⁹ Ako misakay kauban ni Paul Revere, didto mismo sa dalan, aron ipasidaan ang matag-katalagman. Kana maoy tinuod gayud.

¹⁸⁰ Dinhi mismo niining Valley Forge, akong gilabang ang nyebihon nga Delaware, kauban sa usa ka panon nga mga sundalo nga, ang katunga kanila, walay mga sapatos. Ako nag-ampo sa tibuok kauban si George Washington, una sa panghitabo. Akong gilabang ang Delaware nga may panan-awon sa akong kasingkasing. Mga Americano kami. Oo, sir. Didto sa Valley Forge, gibuhat ko sa tinud-anay.

¹⁸¹ Ako gibalik ang pagpasalamat uban sa tiunay'ng Mapasalamatong mga ginikanan. Akong gibalik ang mga pagpasalamat ngadto sa Dios. Kung ako usa ka matuod nga Amerikano, ako nailhan didto sa niadtong talad.

¹⁸² Kung ako usa ka matuod nga Amerikano, ako nailhan sa dihang mitindog ako kauban ni Stonewall Jackson.

¹⁸³ Kung ako usa ka matuod nga Amerikano, ako nailhan didto sa Boston Tea Party, oo, sir, sa diha kita nagdumili nga ilaron na lang. Bueno, ako matuod sama sa Amerika. Ako nailhan didto pinaagi niana. Oo, sir. Oh, sus!

¹⁸⁴ Akong gibagting ang Lingganay sa Kagawasan, sa unang ika-4 sa Julio, sa 1776. Akong gibagting ang Lingganay sa Kagawasan dinhi ug gipahayag nga kita mga gawasnon na. Ingon nga usa ka matuod nga Amerikano, ako kinahanglan ngadto.

¹⁸⁵ Ako nailhan uban sa iyang kaulaw sa Rebolusyonaryo, sa diha nagpakig-away sa igsoon. Akong dapat dalhon ang iyang kaulawan, sama sa akong pagdala sa iyang kahimayaan. Kung ako usa ka Amerikano, dapat ako mao. Ako nailhan uban kaniya. Oo, sir.

¹⁸⁶ Ako nailhan sa Gettysburg didto mismo, sa dihang mihatag ug pakigpulong si Lincoln. Oo, sir.

¹⁸⁷ Ako atua sa Wake Island, ibabaw kanila sa nagkadugong lawas sa mga sundalo'. Ako mibangon didto sa Wake Island.

Didto sa Guam, ako mitabang sa pag-isa niadtong bandira.

¹⁸⁸ Ako usa ka matuod nga Amerikano. Amen. Ang tanan nga mao siya, ako mao, ug mapasigarbohon niini. Oo, sa pagkatinuod. Ang tanang Amerika sukad kaniadto, ang tanan nga mao Siya, ako sa gihapon kana, ingon nga Americano. Sa tanang butang nga Siya kaniadto, kinahanglan nga mao ako, tungud kay ako giila uban kaniya.

189 Managsamang kahintang, sa usa ka matuod nga Cristohanon, ikaw kinahanglan mailhan uban niini.

190 Ako nagwali kauban ni Moises, ug nagpasi- . . . o uban kang Noe, ug gipasidan-an ang katawhan sa umaabot nga paghukom; ingon nga usa ka matuod nga Cristohanon.

191 Ako uban kang Moises sa nagdilaab nga kahoy. Akong nakita ang Haligi nga Kalayo. Akong nakita ang Iyang Himaya. Ako uban kang Moises didto sa kamingawan, ingon nga usa ka Cristohanon. Ako kinahanglan nga mailhan sa matag butang nga iya sa Dios, ingon nga usa ka Cristohanon. Akong nakita ang Iyang himaya. Akong nadungog ang Iyang Tingog. Ayaw'g sulayi ang pagsaysay sa pagpahilayo kanako niini kanako, 'kay didto ako. Ako nahibalo kun unsay akong ginasulti. Akong nakita kung unsay nahitabo. Oo, sir.

192 Ako atua sa Dagat nga Mapula, sa dihang akong nakita ang Espiritu sa Dios nga mikunsad ug mibahin sa tubig gikan sa pikas daplin; dili kay pinaagi sa binangan nga mga bagakay, nga maoy ilang ginapasabot karon, kondili mitadlas sa dili mokulang nga kasiyaman ka mga tiil ang giladmon sa dagat. Akong nakita ang Espiritu sa Dios. Ako milakaw kauban ni Moises latas niadtong yuta nga mamala, sa pagtabok niadtong Dagat nga Mapula.

193 Ako nagbarug sa Bukid sa Sinai ug nakita ang dalogdog ug kilat nga nagapaubos. Ako mikaon sa Manna uban kanila didto. Ako miinum gikan niadtong Bato. Ako sa gihapon ginabuhay pa kini niining gabhiona. Ako nailhan kauban sa mga kumaonay sa Manna. Ako nailhan uban kanila nga miinum gikan sa Bato.

194 Ako usab nailhan sa dihang si Josue mihuyop sa trumpeta, ug ang mga parel sa Jerico napukan.

Ako atua sa langub sa mga leon' kauban ni Daniel.

Ako atua sa hudno nga kalayo uban sa mga anak nga Hebreohanon.

Ako atua didto sa bukid. . . uban kang Elias sa Bukid sa Carmel.

195 Ako uban kang Juan nga Bautista, ug sa atubangan nilang mga tigpanaway. Akong nakita ang Espiritu sa Dios nga nagakunsad. Akong nadungog ang Tingog sa Dios nga nag-ingon, "Kini mao ang Akong Anak nga pinalangga nga Kaniya Akong gikalipay ang pagpuyo niini." Oo, sir. Ako nakasiguro hiilhan nga uban kaniya. Kana maoy labing husto.

196 Ako nailhan didto sa lubnganan ni Lazaru, sa dihang Iyang gibanhaw si Lazaru. Nailhan ako, uban sa babaye didto sa atabay, sa dihang gisultihan Niya siya sa iyang mga sala. Oo, sir.

197 Sa sigurado gayod nga nailhan uban Kaniya sa Iyang kamatayon. Ug ako nailhan niadtong nahaunang Pagkabanhaw.

Ako nabanhaw uban Kaniya gikan sa kamatayon. Ako naila uban Kaniya sa Iyang kamatayon.

¹⁹⁸ Ako uban sa gatasan ug biyente, didto sa hataas nga lawak. Naila ako nga didto uban kanila. Hey! Ako-akong gibati ang pagkarelihiyoso. Oh, sus! Ako nailhan didto. Usa ako uban kanila. Ako nailhan. Akong nabatonan ang samang kasinatian nga ilang nabatonan. Ako atua didto sa diha kini nahitabo, ingon nga usa ka matuod nga Cristohanon. Akong nasaksihan ang nagadahunog nga makusog nga Hangin nga nagaabot. Akong hingsaksihan kana. Akong gibati ang gahum sa Dios ingon nga Kini nagtay-og. Ako uban kanila nga misulti'g mga dila. Akong gibati ang dihog nga nangabot didto. Ako uban kanila. Ako nailhan uban kanila sa dihang ang Espiritu Santo misugod sa pagsulti pinaagi'g mga dila, uban kanila.

¹⁹⁹ Ako uban kang Pedro, sa atubangan sa mga tigpanaway diha sa mga Buhat 2, sa dihang iyang giwali ang usa ka gamhanang wali nga iyang gihimo. Ako nailhan uban kaniya. Oo, sir.

²⁰⁰ Diha sa mga Buhat 4, sa dihang nagkahiusa silang tanan, ako uban kanila sa diha ang gambalay natay-og. Human sa tigum sa pagpang-ampo, ang gambalay natay-og diin didto sila napahimutang. Ako nailhan didto uban kanila.

Ako nagwali uban kang Pablo sa Bungtod sa Mars. Oo, sir.

²⁰¹ Ako uban kang Juan sa Isla sa Patmos, ug nakita sa Iyang ikaduhang Pagbalik.

Ako kauban ni Luther sa Repormasyon.

²⁰² Ako kauban ni Wesley, kadtong nagadilaab; giagaw gikan sa kalayo, niadtong dakung pag-alsa batok sa iglesia sa Anglikano. Ako uban kaniya didto.

²⁰³ Ug dinhi ako niining gabii, sa 1964, sa Philadelphia, Pennsylvania, naila sa mao ra gihapong matang nga pundok, uban sa samang matang sa kasinatian. Ako kinahanglan gayud, maingon nga usa ka Cristohanon. Ako kinahanglang magpabilin nga naila kung diin ang Pulong sa Dios ginapadayag. Ako naila kauban sa pundok nga nagabati sa Espiritu sa Dios.

²⁰⁴ Ako naila uban sa pundok nga nahibalo nga Siya gipadayag, nga nahibalo nga Siya mao sa gihapon kagahapon, karon ug hangtud sa kahangturan, nga nahibalo nga Kini dili usa ka fanaticismo. "Kini si Jesus Cristo mao sa gihapon kagahapon, karon, ug hangtud sa kahangturan." Ako naila kauban nianang pundok dinhi, niining gabhiona. Bisan pa, sila ginganlan nga panon sa mga erehes, bisan pa nga usa ka panon sa fanaticismo, mahitungod sa Pulong sa Dios. Apan, "Wala ko igakaulaw ang Maayong Balita ni Jesus Cristo, tungud kay mao kini ang gahum sa Dios alang sa kaluwasan," ug usa ako. Ako uban kanila nga buhing sinulat nga akon gihisgotan, gipanghimatud-an, ang

Dios gitabilan sa tawhanong panagway, diha sa kalalakinhan ug kababayen-an. Oh!

²⁰⁵ Ang Dios diha sa Iyang *en morphe* usab, gipadayag ang Iyang kaugalingon ug gipaila ang Iyang kaugalingon sa Iyang katawhan. Ang gamhanang Hari Nga mipadaplin sa Iyang Himaya. “Dili na madugay ang kalibutan dili na makakita Kanako. Ako masinalipdan alang kanila. Apan kamo makakita Kanako, tungud kay Ako magauban man kaninyo, bisan sa sulod ninyo, hangtud sa katapusan, nagabalhin gikan kang Luther ngadto kang Wesley, sa mapadayonon ug padayon, gikan sa Himaya ngadto sa Himaya. Ako sa gihapon mao ra nga Dios nga nabuhi, ug nagabalik ngadto sa tiunay’ng Himaya.” Halleluia!

²⁰⁶ Iya nang gibungkag ang matag tabil nga iya sa denominasyon, ang matag babag nga tunog. Kanang tunog nga nagaingon, “Oh, kana usa ka fanaticismo,” Siya milagbas lahos niana. Ang tunog nga migawas gikan didto, nag-ingon, “Oh, sila nga katawhan mga buang,” Siya milagbas na lahos nianang tabil. Oo, nahimo niya. “Oh, dili mo kini mabuhat. Wala kay kapuslanan kondili usa ka panon sa mga fanatico.” Siya milagbas na lahos niana. “Walay butang nga ingon niana sama sa Balaanong pagpang-ayo.” Siya milagbas na lahos niana, oh, sus, tungod kay ang Iyang Pulong nag-ingon nga Iyang buhaton. Dili ninyo mabuntog ang Pulong sa Dios.

²⁰⁷ Ug didto Siya nagabarog, bisan pa, niining gabhiona, ang gamhanang Mananaug, sukad nga Iyang gilagbasan ang sa matag Methodist, Baptist, Presbyterian, ang matag uban pang matang sa tabil. Siya sa gihapon nagatindog sa taliwala sa Iyang katawhan, niining gabhiona, nga wala nalupig sa mga tradisyon. Pasultiha ang katawhan sa unsay ilang gusto, ipabuhat kon unsa ang ilang gusto, ang bisan unsang butang nga ilang gusto. Ang Dios nagaabot, nga nagagun-ob dihadiha nianang utlanan sa tunog.

²⁰⁸ Ug hinumdumi, ilang gisultihan ako, sa diha ang usa ka eroplano makalagbas gayud sa nianang utlanan sa tunog, wala nay kinutuban ang kakusgon niini.

²⁰⁹ Ako nagasulti kaninyo, kung inyong malagbasan ang kanang utlanang tradisyon, nga “Si Jesus sa kaniadto pa, ug Siya dili mao ang karon,” kung inyong makaplagan nga Siya mao sa gihapon kagahapon, karon ug hangtud sa kahangturan, wala nay utlanan kung unsay mabuhat sa Dios mismo dinhi niining kumbensiyon, ug pakita-on kining kalibutana kung unsay ilang gikinahanglan: dili usa ka kalibutanong pasundayag, kondili usa ka pagkapukaw sa kalibutan nga mapuno ug mabautismohan sa Presensya sa buhing Dios, *en morphe* nga nagtabil sa Iyang kaugalingon sulod sa tawhanong unod. Halleluia! Ako nagtoo niini.

210 Gibungkag ang matag babag, ang matag tabil, ang matag tabil! Walay makasalipod sa Iyang Presencia. Sa higayon nga ang katawhan gutumon na diha sa ilang kasingkasing, anaay usa ka tabil nga andam na nga mabungkag. Inyong mahimong saligan lamang kana. Gigisi ang matag tabil, pinaagi sa Iyang gamhanang Espiritu Santo!

211 Ug ania Siya karon nagatindog, karong gabhiona, ang gamhanang Mananaug, mao sa gihapon kagahapon, karon ug hangtud sa kahangturan; nagapang-ayo sa masakiton, nanagpamautismo sa mga magtotoo, sama lamang Siya sa kanunay nagbuhat. Siya mao ang gamhanang Mananaug. Ang mga silotanonong mga yawa nagapangalagiyo. Oo, sir. Sila ingon ana kanunay, kung Siya anaa.

212 Sa panghinapos, ako tingali'g isulti kini. Dihay usa ka... Nakabasa sa usa ka sugilanon, sa milabay'ng daghang katuigan, bahin sa usa ka karaang batid sa violin. May iyang usa ka karaang violin nga ilang ibaligyai. Inyo nang nadungog ang sugilanon, sa daghan nang higayon. Ug gusto nila kining ibaligya alang sa usa ka butang. Ug ang tig-baratilyo miingon, "Kinsay mohatag kanako *niini-ug-niana*?" Sa akong pagtoo gitanyagan siya ug pipila ka mga salapi, tingali'g kalim-an ka sentimos, o ingon niana. "Mitawag makausa, mitawag makaduha,..."

213 Diha-diha, may usa ka tawong mitindog didto sa likud. Siya miingon, "Makadiyut lamang." Ug siya miduol ug gikuha kini. Atong pamalandungon nga iyang gitugtog kini:

Anaay usa ka Tuboran nga napuno sa Dugo,
Gikan sa kaugatan ni Immanuel;
Kung ang mga makasasala molusbog sa ilalum
nianang baha,
Mawala ang tanan nilang mantsa sa sala.

214 Human sa dihang gibutang na kini, wala nay mala nga mata sa maong dapit. Dayon siya miingon, "Kinsay nay motanyag?"

215 Ang usa miingon, "Lima ka libo. Napulo ka libo." Kato nagkawalay kantidad. Ngano man? Ang-ang tigulang nga tag-iya sa maong violin nagpadayag sa matuod nga kalidad niini.

216 Oh, igsoong lalaki, igsoong babaye, karon tugoti nga ang Tag-iya niining maong Pulong, Nga maoy nagsulat Niini, ang gamhanang Espiritu Santo, patagokan ang Iyang busogan pinaagi sa gugma, ug birahon kini tadlas sa inyong kasingkasing.

Anaay usa ka Tuboran nga napuno sa Dugo,
Gikan sa kaugatan ni Immanuel.

217 Inyong makita ang kinatibuk-ang kantidad, ug makita ang gipadayag nga Dios nga makita sa tin-aw. Nga, Siya mao lang sa gihapon kung unsa Siya kanhi sa dihang mikunsad Siya sa adlaw sa Pentecostes, diha sa katawhan, sa diha Siya nag

kenos sa Iyang kaugalingon, “naghaw-as” mismo sulod Niini. Husto kana.

218 Kamo moingon, “Igsoong Branham, ako nang gisulayan. Ako nang gisulayan. Ako nang gibuhat *kini, kana, ang uban.*”

219 Usa ka adlaw dihay akong tigum sa Carlsbad, New Mexico. Ug kami milugsong didto sa usa ka karaang langob sa kabog. Ug kato morag multohon tan-awon, ug kami mikanaug didto. Ug ang-ang tawo, sa dihang siya nakanaug na didto niining dapit, iyang-iyang gipalong ang mga suga. Ug, oh, sus, imong mapamalandong kung unsang kangitngit niadto. Kato mao lang . . . Kato mangitngit kaayo nga mabati mo kini.

220 Kana managsama ra sa kahimtang sa mga panahon nga nagsingabot na, sa dihang atong makita ang iglesia nga napakyas sa pag-ila sa Pulong sa Dios; sa dihang inyong makita nga ang atong mga anak nga babaye sa Zion nanagbuhat sa paagi sa ilang ginabuhat; sa diha inyong makita ang atong mga kaigsoonang lalaki nga nanabako ug nanginum, ug-ug nanagsulti sa mahilas nga mga matistis ug mga butang, ug sa gihapon nagpabilin sa ilang pag-angkon diha kang Cristo. Oh, sus, mangitngit na. Mangitngit na kaayo.

221 Ato nang makita ang ilhanan sa Iyang Pagbalik. Anaay mga . . . Sa kanunay kini pinakamangitngit sa dili pa adlaw. Dayon ang Bituon sa Kabuntagon nagasubang aron daygon ang adlaw, ug aron isangyaw kini, ug ipakita nga kini umalabot na. Matikdi.

222 Sa didto, sa dihang ila gipalong kana, dihay usa ka batan-ong babaye nga misinggit sa makusog sa iyang tingog. Dihay usa ka batang lalaki nagatindog tupad sa magtutultol, ug iyang nakita kadtong magtutultol sa dihang iyang gipalong ang mga suga sama niana. Ug kadtong batan-ong igsoong babaye hapit na gayud atakehon. Siya nagasiyagit, nagaluksolukso. “Oh! Unsay bay mahitabo sunod? Unsay nahitabo? Unsay nahitabo?”

223 Nahibalo ba kamo kung unsay iyang gisinggit? Siya miingon, “Ayaw’g kahadlok, batan-ong igsoong babaye. Aniay usa ka tawo dinhi nga kinsa makahimo sa pagpasiga sa mga suga.”

224 Paminaw, batan-ong igsoong babaye, ikaw tingali’g naghunahuna nga magagmay ra kita ug ania sa labing ubos. Apan, ayaw’g kahadlok. Aniay usa ka Tawo dinhi Kinsa makahimo sa pagpasiga sa mga Suga. Kana mao ang Espiritu Santo. Motoo ba kamo niini? [Ang kongregasyon nagaingon, “Amen.”—Ed.]

225 Atong iduko ang atong mga ulo sa makadiyut lamang. Ako pasayloa sa paglangan kaninyo.

226 Oh dakung Dios sa Langit, nga nagapadayag sa Imong kaugalingon, nga nagabukas sa Imong kaugalingon, nga nagapaila sa Imong kaugalingon, ang dakung Hari sa

Kahimayaan, dawata kining gamay'ng mga panag-ingnan, niining gabhiona, ug ipahimutang sila sa mga kasingkasing sa katawhan. Ug hinaut nga among makita kanang Bugtong nga nadayag, kanang Usa nga mikanaug ug migisi sa tabil sa templo; ug dayon migawas gilayon sa nianang tabil, nga mikanaug dayon pasulod sa tawhanong mga tabil pag-usab, niadtong adlaw sa Pentecostes; sa kanunay mao ra sa gihapon, nga nagabalhin gikan sa Himaya ngadto sa Kahimayaan.

227 Ug karon kami nahibalik na sama sa gibuhay sa tanang kinaiyahan, nagapanglihok, pabalik mismo ngadto sa tiunay'ng Binhi, gikan mismo sa usa ka panahon sa iglesia ngadto sa lain. Ug dinhi niining katapusang panaho, dinhi ania kami, balik mismo sa tiunay nga Butang nga nahulog niadtong adlaw sa Pentecostes, aron pagtuman sa tanang Kasulatan, "Ang Kahayag sa panahon sa kagabhion," ug, "Ang buhat nga Akong ginabuhay buhaton usab ninyo," ug daghan kaayong mga butang nga Imong gisaad sa Imong Pulong.

228 Amahan, kung ania pa may usa dinhi nga wala pa makalagbas lahos nianang maong tabil, o kun ania may usa dinhi nga igo lamang magsundogsundog sa usa nga nakaadto na lahos nianang maong tabil, hatagi'g gracia niining gabhiona, Amahan. Hinaut nga ilang makita kanang gamhanang Mananaug nga nagatindog dinhi, puno sa gracia ug gahum, sa pagpasaylo. Itugot kini, Amahan.

229 Ug samtang atong giduko ang atong mga ulo, ania bay pipila dinhi? Pila man, makaingnon ako, nga moingon, "Igsoong Branham, akong ginabayaw ang akong kamot. Iampo ako"? Ipabilin lamang nga nagduko ang inyong mga ulo, ug ipataas ang inyong kamot, "Buot ako nga molagbas lahos sa tabil, hangtud nga makita ko gayud ang Mananaug." Ang Dios magapanalangin kanimo. Oh, sa mga kamot! Diha sa ibabaw sa mga balkonahi, sa tuo? Ang Dios magapanalangin kanimo. Sa mga balkonahi sa likud? Ibayaw . . . Ang Dios magapanalangin kanimo. Pagmatinud-anon. Sa wala? Ipataas ang inyong kamot, ingna, "Igsoong Branham, ako tingali'g usa ako ka Cristohanon sa mga katuigan, apan, sa tinud-anay, ako wala pa gayud nakalahos nianang tabil. Wala ko gayud kini nabuhay. Wala ko naangkon Nianang unsay anaa kanila kaniadto." Karon, ato nang naangkon . . . "Ako usa ka tanum sa punlaan."

230 Pagkuha ug bulak nga mitubo sa usa ka punlaan, kinahanglan nga imong batabataon kini, alimahan kini, bisibisan kini, patubigan kini. Apan kanang tiunay nga tanum nga nagatubo didto sa disyerto, sa mao ra nga matang sa bulak, susama tan-awon kini; kini wala makatitaw og bisbis sa tubig, apan walay mga dangan nga makaduol niini. Kini kusganon. Kini maoy usa ka matuod.

²³¹ Mahitandi mo ba ang pagka-Cristohanon kay sa pagka-Cristohanon karon, kay sa kon unsa kini kaniadto? Mapamalandong mo ba kining maong pundok, nga unsay atong gitawag nga mga Cristohanon karon, sa tibuok kalibutan, nga nahimong sama niadtong human sa Pentecostes; nga gibatabata ug pinikipik, ug gikan sa usa ka simbahan ngadto sa lain, ug, hisultihan sa usa ka butang nga dili ka moangay, motindog ug mogawas? Ug, oh, mapamalandong ba ninyo kana? Dili. Unsa may nahitabo? Kini usa ka pagkakopya.

²³² Si Michelangelo, nga nagbuhat sa bantayog ni Moises, imo mahimong makuha ang kinopya niana, sa labing ubos. Apan, ang tiunay?

²³³ Ang nagdibuho sa Lord's Supper, sa akong pagtoo kadtong tiunay nga dibuho mobili ug minilyon ka mga dolyar, kon imong mahimo mapalit kini. Wala gani ako mahibalo kon hain na kini karon. Apan makahimo ka pagpalit ug barato nga kopya niini sa mga usa ka dolyar ug nobentay utso centimos. Mahimo mo.

²³⁴ Ug kana mao ang nagakahitabo karon. Usa ka baratong Cristohanon, usa ka kinopya, usa lamang ka tigpasakop sa simbahan, mahimong mapalit mo sila sa usa ka sigarilyo o sa usa ka-o usa ka yanong ilimnon. O, sa usa ka babayeng pugdol ang buhok o pinintalan nga mga ngabil, mapalit mo siya sa bisan unsang butang sa niining mga urog sa kalibutan. Apan dili ka gayud makatandog nianang tinuod.

²³⁵ Akong nakita Siya diha sa dayag nga panan-aw, mao sa gihapon kagahapon, karon, ug hangtud sa kahangturan.

²³⁶ Oh, Cristohanon, dili ka ba gustong mahimong usa ka matuod nga Cristohanon? Kung ania may wala mopataas sa inyong mga kamot, mahimo bang buhaton mo kini? Bueno, akong paga-ampoan lamang. Ang Dios magapanalangin kanimo. Ang Diyos magapanalangin kaninyo. Oh, maayo gayud kana. Tan-awa lamang kana.

²³⁷ Among Langitnong Amahan, "Ang Imong Pulong dili mobalik Kanimo nga kawang." Ikaw maoy Bugtong naghimo sa maong saad. Ako obligado lamang sa pagsulti nga Ikaw nag-ingon Niini. Akong gisubli lamang ang Imong mga Pulong. Ikaw nag-ingon, "Siya nga nagpatalinghug sa Akong Pulong ug nagatoo Kaniya nga nagpadala Kanako makabaton sa Kinabuhing Dayon." Ikaw nagsaad niini.

²³⁸ Ug, Ginoo, kami nahibalo nga sa amo aniy mga kinopya karon, daghan nga nagaingon sila nagtoo, samtang, sila dili. Kini nagapakita. Apan, Ginoo, aniy pipila nga matuod, usab.

²³⁹ Ako nangamuyo nga Imo lamang itugot, dinhi, niining gabhiona, nga ang matag lalaki ug babaye, batang lalaki o babaye, walay sapayan kun sa unsang nasura sila, unsay ilang bulok, sa unsang simbahan sila nahisakop, Oh Dios, pun-a sila. Hinaut unta nga ilang makita ang matuod nga pagpadayag

nianang mao rang Jesus karon, mismo sa among taliwala, maingon nga Siya kaniadto man sa Adlaw sa Pentecostes, sa diha Iyang gipadayag ang Iyang kaugalingon alang niining panahona, ingon nga Espiritu Santo. Itugot kini, sa nakita nga nagakatuman na ang mga Pulong, ang mga panagna nagakahitabo na!

²⁴⁰ Among gitandi, karon, kon unsay gitawag nga iglesia sa kalibutan, ang World Council of Churches, ug gitandi kana sa saad diha sa Pentecostes? Wala gayud ing pagkaamgid niini, man lang. Dili kami makahimo paglaba sa among mga mahugaw'ng bisti diha nianang tikitaha.

²⁴¹ Apan, Ginoong Dios, kung kami mobalik nianang maong Tuboran, anaay usa ka pamaagi sa paghugas, dayon ang among kasinatian ug ang Pulong sa Dios mohaum sa usa'g usa. Dayon, among mahimo nang makuha ang among bahandi. Itugot kini, Ginoo, niining gabhiona, sa diha akong itugyan kining katawhan sa Imong mga kamot. Ihatag sa matag usa ang unsay ilang gikinahanglan, Amahan. Among gipangayo sa Ngalan ni Jesus'. Amen.

²⁴² Ang Dios magapanalangin kaninyo. Salamat kaninyo, sa makadaghan, sa pagtindog, nga nagahulat sa taas nga panahon. Ug ako pasayloa nga akong gilangan kamo hangtud sa takna sa napulo ug napulo ka gutlo. Ang Dios magauban kaninyo hangtud nga magkita kita sa buntag. Ako nang itugyan ang bulohaton karon sa, sa akong pagtoo, ngadto sa nagdumala sa buluhaton.



ANG GAMHANANG DIOS NADAYAG SA ATUBANGAN KANATO CEB64-0629
(The Mighty God Unveiled Before Us)

Kining Mensahe ni Igsoong William Marrion Branham, una giwali sa Ingles dadtong Lunes sa gabii, Hunyo 29, 1964, sa kumbensiyon sa Full Gospel Business Men's Fellowship International sa Bellevue-Stratford Hotel sa Philadelphia, Pennsylvania, U.S.A., gibalhin gikan sa magnetikong teyp rekording ug gipatik nga walay nakulang sa Ingles. Kining Cebuanong hubad pinatikan na ug gipang-apodapod sa Voice of God Recordings.

CEBUANO

©2007 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Pahibalo Bahin Sa Katungod Sa Pagmantala

Ang tanang katungod sa pagmantala iyaha lamang sa tag-iya. Kining basahona mahimong i-print sa printer sa balay alang sa personal nga gamit o sa pagpang-apod-apod, nga walay-bayad, ingon nga usa ka instrumento sa pagpakaylap sa Ebanghelyo ni Jesus Cristo. Kining basahona dili mahimong ibaligya, kopyahon nga pang-dinaghan, i-post sa website, i-store sa usa ka retrieval system, ihubad sa ubang pinulongan, o gamiton sa pagpangayo og mga amot nga walay ginapagawas nga kasulatan nga pagpahanugot gikan sa Voice Of God Recordings®.

Alang sa dugang nga mga kasayuran o alang sa uban pa nga ginapang-apod-apod nga mga materyales, mahimong kontakon ang:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org